

甌北詩鈔五言律一

紅梅

等是冰霜骨。偏看着色殊。高人多倚醉。仙女亦施朱。伴鶴迷丹頂。先蘭試絳趺。天桃休便附。終遜一分臞。

五牧鎮爲宋將尹玉戰死處

五牧塘邊路。經過弔夕陽。一軍忠義鬼。兩岸戰爭場。地尙多遺鏃。祠今有奠觴。當年運河水。想見血如湯。

苦雨

事有不如意。韶華夢裏過。一春晴日少。三月落花多。空

甌北詩鈔

五言律一

擬乘吳榜。誰能挽魯戈。遙山亦含悶。煙際蹙修蛾。

遊陽山清水洞

獨山拔地起。邱壑頗幽偏。骨立通身石。腰藏一眼泉。離家無十里。結屋有三椽。五岳茲遊始。題詩紀歲年。僧寮留一宿。萬象沆寥中。夜色高樓月。秋聲落木風。身臨白雲迥。心與碧天空。安得辭塵鞅。來營一畝宮。

秦園

看竹何須主。林扃曲折通。人行山翠裏。秋在水聲中。邱壑因天巧。松杉有古風。我無書可賣。敢問爾家東。

微山湖隄晚步



野色青於染。春流滑似膏。塵千樹亞。浪捲半湖高。落日明鴉背。平莎沒豕豪。翻因觸鄉思。髮髯我東臯。

客興

京國依人慣。謀生倚捉刀。布衾寒似鐵。名紙敝生毛。燈火蟲聲唧。風霜馬骨高。那禁鄉思切。此日正持螯。

曉行

野店餘殘拆。荒郊已展輪。曉星明似月。古堠立疑人。郵暗猶無火。風微未起塵。擁衾三十里。味續黑甜淳。

出古北口

鎖鑰憑天險。因山成壘成。千盤蛇陣勢。十萬馬蹄聲。隘

隴北詩鈔

五言律一

一一

比函關扼危如劍閣。行時清無警備不用怯。長征

南天門

峽束青冥上。嚴扃構次寥。天惟通一線。星可摘。三霄路鑿鉗椎苦。峯排劍戟驕。控臨戎索大拱衛。

帝京遙狹。僅容單騎驅。難並兩鑣地。形愁倒馬風。力稱盤雕險。叶泥封谷危。如棧架橋時。清無戍壘巖。迴有僧寮。捲幔霏空翠。炊廚拾斷樵。鐘魚聞上界。沆漉吸中宵。雲族漫爲海。山支湧似潮。平生登覽興。我欲馭輪飈。

木蘭

形勝與桓壯。盧龍左界偏。芻蕘靈囿啓。羽獵上林傳。境

是無人處。天留太古前。風雲千嶂合。霜雪九秋先。花草無名字。川原絕火烟。

木蘭內無田廬

孕孳蹄角富。儵俟友羣連。獸

簿書難盡。魚麗陣可聯。周陸歸禁籞。甌脫稱遊畋。地紀

諸番獻。

本蒙古地康熙年間獻爲圍場

人供大獮皮。千三百騎集。四十九旗

編。

塞上蒙古編四十九旗每歲出千三百騎士打圍

屬國東西尉名王左右賢軍容分

隊。肅殺氣合圍。填較獲量山谷。頽鮮論髀肩。祭龜原古典。表貉寓兵權。悉率兼戎索。來同陋甫田。黃圖仍近甸。紫邏接遐邊。扈從叨榮遇。慚無五柞篇。

汪文端師歿已數月。每欲一述哀情。卒未暇也。輟直樞曹閒居無事。甫得和淚漬墨以詩哭之。

甌北詩鈔

五言律一

三

凡一千字

人物高千古。師生近十年。乘箕歸浩渺。爲位哭潺湲。作楫中朝望。和羹內相權。身尊河砥柱。班侍樂鈞天。密勿叅。溫室謀猷布。細旃嶽雲千里。潤谷黍一陽旋。

廟略絲綸渙。朝章黼黻宣。胸常涵霽月。量莫測澄淵。鎔冶精金鍊。廻翔吉羽翩。廷推風度獨。門絕黨援偏。餘事兼風雅。斯文極討研。別裁嚴僞體。孤倡摯真詮。領袖蓬瀛上。淵源漢魏前。尊彝崇法物。鐘櫛考宮縣。清廟朱絃淡。明廷白璧圓。羣材趨匠石。巨手斲輪扁。屢慚初學升。堂揖大賢龍。門依杖屨。蛾術課丹鉛。跡爲依劉穩。名

叨說項傳羽毛邀假借規矩得周還杜曲尚書鳴蕭齋
弟子瓊林亭規賭聖花木麗平泉鄴架籤論萬曹倉卷
累千露函分宛委寶笈聚娜嬛砥室挑燈坐重簾下榻
眠一甌奇肯借三篋秘寧鍵貧眼驚羅貝飢腸飲割鮮
聽遊烟海浩更指軌塗平北轍無紆軫南針有捷阡設
中棲鴿矢視後牧羊鞭檄命陳琳草文憑任昉編每教
頻易稿代擬未完篇結搆排文陣淋漓衍筆椽一裘狐
腋集九曲蠟珠穿窗紙呼蠅出車輪睹蝨懸弗辭三折
臂索解九方歎點有成金鐵拋真引玉甄不調還解瑟
得意並忘筌癢處烏搔快癩痕獺補痊乙鴻精鑒別五

甌北詩鈔

五言律一

四

雀定衡銓相賞頻攜酒從游或扣舷門庭高座獨絲竹
後堂專仕版登初地樞曹忝備員喜供文字職仍侍斗
台躔插羽宵催牘濡毫曉奏箋詔麻頒魏闕軍檄定

先零事集中書省才慚上水船漏沉鈴動索燭炮炬分
蓮鞋底遭非辱詞頭改愈妍斧邀修月快斤到運風遄
清蹕車同扈黃沙帳更聯山深秋落葉夜永月臨邊旅
跡隨征騎鄉風話叱犍銼炊塵滿甌野宿幕支枰矮几
東西列行牀上下連癰常餐互勸病或藥親煎吟撚枯
髭禿書呵凍手攣影形同蛭蟹踪跡比夔螭賓主家人
誼門牆宿世緣百年人草草一別淚濺濺梁木俄傾折

刀圭漫祝延

至尊親哭臨諸老各悲牽美謚榮褒哀崇祠肅饗籩尙
方營斂具內帑治喪錢國有良臣誅門淒坐客筵升榮
魂豈復負土手甘胼子立身如贅單行步每遘疲牛仍
輓磨孤馬忽驚茲鎖院簪毫地周廬待漏屢豈曾潘髻
老共謂旭書顛輟直歸西掖投問類左遷雀羅貧宦味
蠹簡腐儒拳仰屋重探學扁門自省憇叢編勤獮祭殘
卷剔蝸涎濩落官雖退摩挲腹尙便書成楊子甌調絕
伯牙絃慧業空期佛凡胎孰識仙贗珍乾鼠璞魔噪野
狐禪虛燄方熏灼遙源肯泝沿蒙頭聊瑟瑟縮貴耳任轟

甌北詩鈔

五言律一

五

闔彌憶援垂手頻傷企及肩敬容殘客感宋玉大招虔
老輩真難得餘生益自憐重來尋步履回憶荷陶甄人
寂廉公市莊荒陸氏田門庭涼似水履舄散如烟琴忍
雍門鼓碑難岷首鑄身原飛退鷁情比噪寒蟬無復聆
揮塵空思効兒篋師資今已矣宦迹益孱焉歎逝情彌
切酬知願枉堅惟憑修綆汲還炷瓣香燃文苑芟榛莽
書城築澗瀝表彰餘論播續述緒言綿壇坵爲標幟江
河助障川浮談除稷下絕學溯河先後死文終托先生
道未捐遙遙千載事天恩證空元

君古學多得力於文端感恩
知已故不覺真切詳瞻故

愍忠寺石壇相傳唐太宗征高麗回瘞戰骨處

古寺重簷閣平臺五尺墩征東功已渺恤下蹟猶存貞
觀方開國高麗失奉藩六師爰出塞萬乘自攻垣斬獲
軍雖振傷亡士亦繁歸途收葬慘御筆祭文尊不稟佳
兵戒徒矜掩骼恩一區開作塹萬骨聚爲屯豈乏功臣
狗兼多君子猿忠皆兵死鬼哀到國殤魂碎或如蛇蛻
殘猶帶犢禪生無半面識死比並頭婚畚鍤填泥築蘘
裡帶雨掀結蒲工不暇裹革例難援聊免飢烏啄差無
餓虎蹲首邱終未遂京觀詎同論想見繡經座曾招剪
紙幡歸隨遼鶴跡啼有蜀鴟痕陰陣空中嘯靈旗夜半
翻血風臨穴臭磷火滿壇昏邱貉屍難認沙蟲命總冤

甌北詩鈔

五言律一

六

異鄉悲瘞旅故國羨歸元幸托空王近能拯新鬼煩叩
鐘開魘夢施食慰饑殮喚醒沉冥路來皈清淨門枯骸
滋法雨厲氣散朝暎事往今千載詩成紀片言由來戰
爭地枉死徧郊原

工力完足無一懈筆保泰

飲倪敬堂少僕寓齋次韻

仗有通宵飲能消急景馳酒監三約法鬪戲七稽疑燭
影翻燈海甌香淬茗旗醉歸應犯夜已是曉鐘遲
古來名利路行者盡如馳作婦公孫衍爲卿子叔疑酒
兵君拓戟詞壘我褰旗一笑皆迂客生天未免遲

與耐亭寄園步月

官暇無公事交親有比鄰。荒園三畝地。明月兩閒人。語
味清談倚詩情。白戰真誰知。人海裏得此豁襟塵。

哭汪幼泉民部

不謂吾師後。驚傳冢嗣殂。門庭望弓冶。名字是醍醐。官
未施行馬人。猶愛及烏盛。衰何限。感賸有淚痕枯。

再出古北口

紫塞秋風緊。凌寒踏曉霜。潦餘沙盡白。關外柳先黃。飲
馬長城窟。呼鷹古戰場。平生登覽興。敢惜髣毛蒼。

氣格

扈從途次雜咏

帳房

甌北詩鈔

五言律一

七

陸居那有屋。布幕幕荒陲。地恰規方丈。天惟隔一層。常
分茅店月。敢擬幔亭燈。風雪聊堪蔽。求安本未曾。

風旗

帳房所在各立
旗以爲識別

危竿旗色別。卽此是心旌。不畫龍蛇動。偏分赤白明。遙
知戎帳在。略似酒帘輕。人馬皆能識。於斯悟用兵。

土竈

掘地
爲竈

莫笑塵生甑。由來掘地炊。柴燔無老婦。蓐食似潛師。詎
仿風爐製。聊存土銚規。行圍非禦敵。不用減增爲。

懸燈

夜則懸燈於
竿亦以識別

懸燈形製異。識別爲宵行。陸地成星海。荒原列火城。方

圓無混雜三兩各分明訝許冰霜夜何來萬點螢

矮桌

高惟憑寸木方豈僅三隅難卷宜甲論摸稜敢短踰當
筵跌坐慣隱几鞠躬劬或作齊眉案侏儒所必需

馬繩繫大類於竿所以拴馬

曠野無閑廐長繩繫短椀似將綿裊禮欲範跣才也
比金羈絡非銜鐵騎枚繫維終雅意為恐遠颺開

短褂

短後衣原古戎裝稱服驂十圍腰欲露半臂手難函右半
臂之製褻袂雙非隻明衣一可二裏褻短右袂此則兩袂皆短明
想類此衣一身有半此則僅半身而已

甌北詩鈔

五言律

僥如著此或尚覺麤麤

戰裙

縛處藏執袴披來露繡褶何須白練製略竝錦韉長衣
反居裳內男偏作女裝裙腰青草色相映道途旁

割草

木蘭中遍地皆草既佔地即割其草以秣馬

行薙聊除地兼堪秣我駒不攜三品料但束一生芻木
草最肥飼馬不用豆詎劉陳根盡愁逢野燒枯倦來思小憇還作綠

茵鋪

打柴木蘭中各取山木為薪無禁例

糧有牛車載薪寧馬矢燒材原多棧樸固不禁芻蕘刷

趨摧枯勢擔乘射的颺日斜方待爨莫作爛柯樵

啣嘍喊 謂喊叫者營中禁此甚嚴置卒巡邏

蕭蕭鈎陳靜司豈按路稽跡如尋響下威可怖見啼日落惟鷓噪風清或馬嘶無譁見軍令萬帳出聲低

買賣街 買人隨營設街貿易

負擔來成市熙熙為利忙屢疑夫布製列布帳為市屢貨取子錢

償也似趨墟鬧居然列肆長見珍因物罕敢怨價增昂

入木蘭久則物益少而價益昂

棒椎峯 在熱河平岡上突立一峯如椎俗稱棒椎峯

峯頭驚子立石筍忽然生頗似金莖狀殊慚玉杵名空

甌北詩鈔 五言律一 九

中禪棒喝月下搗衣聲遠壯行都色孤標接太清

達巴罕 蒙古語謂高嶺也

蜀道難真見青天一線通人行飛鳥上馬踏亂雲中一

落愁千丈三休到半空更憂輜重阻露宿滿山風 每過嶺輜重難

行或遲數日始追及

關中戲咏藍筆

未解題紅葉常教蘸碧甌墨朱俱不近皂白總能酬蠅

不污人壁螺寧糞佛頭由來管城子封邑在青州

架少珊瑚製牀宜翡翠鐫幾行分漢幟數點散齊烟禿

到三條燭圈成萬選錢聚奎清闕處直作蔚藍天

里中杭生泖潮先友杭雲龍之子其兄廷宣又余
五友中之一也父兄皆歿來京相依詢知先友
黃季游楊新友及潘本仁諸老人相繼物故感

賦二首

父兄皆棄世千里一家拋年僅逾髫鬣貧思覓斗筲世
無朱郭俠我忝紀羣交相對惟滋愧無能代治庖
桑梓懷者舊頻年感逝波昔遊如夢短新鬼比人多名
僅聞鄉里身皆老輒軻柳州先友記石表待鐫磨

錢茶山司寇以大集見示捧誦之餘敬題於後

已擅巍科最兼期不朽垂王瞻碁射酒鄭老畫書詩身

甌北詩鈔

五言律一

十

本有仙骨學仍無斷時始知名世者未易淺人窺
欲識通懷處談深引濁醪人如東晉達才有大蘇豪僞
體別裁盡真靈位業高幸叨鄉後進請益敢辭勞

贈吳鑑南民部

癡絕吳民部詩才迥不羣官貧常數米客到便論文似
舅何無忌君爲商
實意甥爲郎揚子雲沉冥寧用歎佳句已流聞

觀家人醃菜戲成四十韻

物產推安肅秋成慶阜豐
劬來樊圃畔輦集藁街東
民幸無茲色儒原稱此風
灌憐園叟苦賣厭市牙訂
碧葉經霜綻嬌芽帶雨芄
略同三韭品不雜五董叢
細異辛

堪薦肥看甲不衷。蕉心包宛轉。藕腕研玲瓏。瑩白光凝
外。含黃美在中。洗隨銀指滑。截愛玉肪融。拘嫩先冬筍
嘗新竝。晚菘飴鹽同。日貴塵甌一時雄。賣處爭求益。挑
來各禦窮。春盤猶未設。地窖或還烘。剝似層層籜。堆疑
寸寸葱。酒餘西爽送。饌底下陳充。入粥成羹沸。爲羹用
火攻。芼時薑桂糝。醱後麴糟蒙。生熟俱宜口。清腴詎鼓
隴。儘多回美味。兼有解醒功。莼漫龜絲綠。葵輸鴨脚紅。
茹蔬貧宦慣。蓄旨內人工。食肉曾嫌鄙。飢腸故入空。珍
藏登瓦缶。賤價倒筠籠。嚼饜屠門快。烹矜鼎養隆。煮分
煨芋火。切傍點菹筩。入腹隨藜藿。呼山免鞠窮。餘甘施

甌北詩鈔

五言律一

十一

婢獲均惠到。兒童尙愧遺。羹遠聊矜宰。肉公祭修尼。父
豆齋比太。常官才本胡。蘆樣餐勝苜。藟叢恰宜蔬。食澹
何取簋。殮饜名敢元。脩獨貧甘庾。臬同侯。鯖羞挾。瑟官
鮮。陋郵筒自愛。枯僧味還慚。老圃躬咬根。心故淡。送把
意彌崇。鄉思懷櫻筍。生涯感梗蓬。歸猶慳。杞菊嗜敢望
魚熊。已免黃精劇。兼資白粲糝。俯看益益滿。吾亦富家

翁

三月十三日程葢園舍人招同錢籜石辛楣兩學

士曹來殷編修王述菴比部吳白華庶常陸耳

山家璞函舍人各攜壺榼陶然亭爲展上巳會

分賦

淺水蘆芽嫩。平隄柳色新。城中如野外。酒客盡詩人。會
尙名修禊。遲兼當送春。還期消暑飲。重此滌襟塵。

題吟薌鏡影小照

白毫光滿月。不是結跏人。才擅詩書畫。心參形影神。寧
同化身幻。恰與故吾親。想見澄觀處。匡廬面目真。

賦得紅藥當階翻

甲戌試中書
題得書字

薇省韶華麗。名葩燦玉除。地當承露處。花是殿春餘。映
日敷紅艷。因風動綺疏。影搖青瑣闥。光映紫泥書。非謔
偏如贈。將離若故徐。過甄陰不定。傅粉畫難如。清切仙
甌北詩鈔

五言律一

五

墀內舒長晝。漏初

綸扉方視草。恰對五花舒。

賦得賢不家食

辛巳會試題得
同字五言八韻

聖治光昭日。英賢奮跡同。館餐方異數。家食詎高風。自
有千鍾粟。寧棲一畝宮。指囷辭里友。抱甕謝園翁。鱸拜
蓬池上。羹和寶鼎中。酌泉逾表潔。宰肉故能公。簞簋惟
加飭。廛困豈愧豐。願常懷澹泊。仰報國恩隆。

五月斯螽動股

麤實廻緹窰。翹肖起螽斯。未振詵詵羽。先看趯趯姿。動
無肱折慮。響出足音奇。錯訝鳴雙翼。從知暢四肢。詎矜
超距勇。似演踏歌詞。健不當車轍。輕難立釣絲。化叅魚

躍共技豈驚趨隨

聖德徵揚詡羣生以息吹

竹箭有筠

壬午考試差
題得書字

翠篠榮嘉植蒼筠竟體舒文堪彰外美心本蘊中虛新
雨抽萌後清風解籜初光分水蒼玉功在汗青書麗到
凝斑處嬌含帶粉餘詩筒鐫易就墨筆畫難如白覺菁
英煥何嫌節目疎猗猗堪咏德

睿賞寄林筵

月中桂樹

壬午順天鄉
試題得香字

月殿森嘉植敷榮玉宇涼淨根寧著土老榦久經霜不

甌北詩鈔

五言律一

三

識何人種常留太古香花真能四照譜不入羣芳賜木
應輸秀星榆敢較長味增丹杵藥艷映素娥妝信識干
霄迴應多浥露灑藥珠 官闕朗攀折許吳剛

春蠶作繭

節屆條桑過春蠶上簇肥錦心真欲嘔笥腹詎愁饑一
縷輕抽緒千層密作圍有綿非霧縠無縫亦天衣道協
藏身固功成化羽飛文章五雜組經緯七襄機蛛網懸
何益鮫綃購亦稀

皇仁宏衣被挾纊萬方依

試帖中有此神化之句舟

德車結旌

行旌昭物采。表德異戎車。豈之旒。堪綴匪伊帶。有餘鈎
衡轅。共曲如組轡。同紆蘊。結心能繪飛揚氣。已除不鳴
風。獵獵恰映日。徐徐略似垂。纜屈寧同析羽舒。洵覘文
治盛。想見武成初。以樂堪爲御。和鸞仰 翠輿

題程尺木上舍夢雲圖

非想非非想。處是誰引入吟魂。正逢洛浦拾翠忽踏鄂
舟到門一幅唐人小說九分莊子寓言人生若非夢境
安得副此情根

仙游也復多恐好境原難久棲欲到還防風引再來兼
怕路迷涼人秋在天末催客月落花西始悟癡萍逐水

甌北詩鈔

五言律一

十四

不如禪絮沾泥

姪 廷賢校字

陽湖 趙翼 雲崧

常山道中

古路依山闢參差柳影疎川原分楚越水陸縮舟車
旅店分鴿擔夫跡貫魚近南時令早三月已耕畝

樟樹鎮爲王文成誓師地

藩邸猝稱亂文臣此誓師倉皇臨大變智勇出良知
烏合乘城日狐疑返旆時從容樵舍縛儒者事原奇

鎮安土風

宦轍經年到郵籤萬里修地當中國盡與安南接壤官改土司

甌北詩鈔

五言律二

流明時土府岑姓本朝始改流峻坂愁雲棧路從蓮花九竇而入最險仄孤城彷彿月鉤城惟東南西三

面北則倚山也近邊多堠吏按部半番酋所屬有四土司密箐千尋木寒泉

百丈湫泉自鑿隘山穴中出性極寒四時無落葉一雨或披裘瘴要澆胸

魄中瘴則胸膈飽悶妖曾紀肉毬相傳府衙有肉毬肉脚之異見府志及說鈴深宵蠶蠶放白

晝虎偃遊魑客從人雇狙公作盜偷蠻方天混沌猿語

鳥鈞輒儂姓還豪族韋家說故侯地多儂韋二姓儂則智高之後韋則和傳淮陰侯少子蕭相國

以托南越王其子孫散居蠻土去韓之半以韋爲姓者也見溪崗織志點脣橫汁染約臂釧紋鏤跳月

墟爭趁嬰春俗善謳儷皮齊贅易握算賈胡甯粵東賈此者多娶婦立家

郵婦無弓足山農總帕頭性愚供使鹿見小重多牛籬

壁穿多穴貧民編椽作牆塗以泥多穿漏如籬落欄房隔作樓欄房上層人所居下層畜馬燒畚灰

和土接水木剝溝澆采藍盈匊民曰米藍白染無染匠也禾收穗滿箐枹

成把不列藜藉箸包鹽有滷菹膏菜成油以諸菜及牛羊骨實甕中久則爛成汁謂之膏菜酸臭特甚土人以爲

美犬肉多於豕墟場賣犬以千百計檀薪賤似楸山木供爨雖紫檀不貴也鷓鴣羹味

薦蛤蚶藥材收糴膽從蹄別石羊膽以在蹄心者爲貴石羊卽羶也豬豪激矢抽

野豬豪似錐能射人百步外山羊因血捕水獺爲皮搜石斛花論價出奉枕

椰麪可洩出下竹根人面活向武有竹其根似人面藤杖女腰柔大箬中多萬年藤可

杖物產真驚見民情易給求挂魚官閣肅羅雀訟庭幽

閒倚半山閣署中獨秀山半有亭可以眺遠時乘獨木舟虞衡稽桂海草木

訂春秋詩已傳邕管官非謫柳州勉修循吏績撫字輯

遐陬

甌北詩鈔 五言律二 二

楚雄守秦岵齋留飲卽贈

長安稀會面相見百蠻中。人地推秦望江山。得楚雄籌

邊論兵略爲吏守儒風。使我忘羈旅深談刻燭紅。

遮放

蒼莽西南路軍行此駐驂。妖星天狗落毒蠱夜蠶飛。五

色有浮瘴四山如合圍。功名須絕域敢憶釣魚磯。

干溝

地阨多蒸鬱催鞭趁嚮晨瘴氛頭痛國瘿俗頸粗人霧

濕常疑雨泉溫不待薪尤防香氣過閉息伏黃塵

橫州大灘謁伏波將軍廟

功名非水戰祠祭乃江濱直以將軍號長爲水府神蠻
方銅柱界漢戶馬流人何必雲臺像千秋廟貌新
我來祠下過江水正蒼茫石齒千堆雪灘心百沸湯據
鞍餘矍鑠衰革想飛揚彷彿英靈氣洪濤共激昂

鹽監塘驛舍小憩

偶然留駐馬地僻愜幽尋古木翠圍屋夕陽紅滿林山
雲沒骨畫澗水不絃琴頓覺忘塵鞅悠然生道心

黃漢卡檄安南官勘地

中外毗連處居民起細爭壁先會假許田豈得歸祊一
筆鴻溝畫千秋馬角生番官虔奉約誓守載書盟

甌北詩鈔

五言律二

三

國計宜柔遠邊臣重守疆古來憂厝火多起釁爭柔虎
落新分界祗籓謹立防銷萌無跡處庶以固金湯

平江道中

放棹滄江穩春隄草色新山牛多似蝨沙鷺立如人湖
海名何有烟波意自親中流澹容與暫此豁襟塵

接同年黃墨望書知其以暗疾去官來主韶州講

席賦答

省垣風雅最何事去官歸畫筆崔青蚬詩名杜紫薇暗
非河渚疾和本鄙人稀守默原前訓摩兜省是非

山水韶陽好門生共昇籃傳經多筆授對客有碁談詩

豈吟方就禪原默可參。無言桃李樹已遍嶺梅南。

二詩字字切實疾情妙乃爾故

祭南海廟禮成二十韻

秩祀南溟重時維月孟冬扶胥襟粵會廣利紀唐封地在九州盡王為百谷宗周廊簷四角複殿陸三重環楯

威嚴勢垂旒肅穆容介鱗森拱衛禕翟配叩顙王夫人亦有像鼉

肩穹碑壯波羅古樹穠玉書無跡考銅鼓有聲春吳萊古蹟記廟

有玉簡今不可考惟林霽所獻銅鼓尚存是夕宵氛淨中天月色濃蕭蕭升鶴燄炬

火似鰲峯濤戢冰夷怒風收颺母凶星河垂角絡劍佩

集琤瑤蛻節悠揚動金支颯沓從羣靈朝貝闕萬派匯

甌北詩鈔 五言律二 四

珠溲腥氣蜿蜒隊陰光彷彿蹤工歌翔鶴鵲人立舞魚

龍宴娛神應喜歆居禮益恭不揚占浪靜善下豈堤衝

水線安估客潮田阜澤農永昭清晏德於廓助時雍

莊重稱題故

題陳望之太守長林遠望圖

寂歷長林下惟應靜者論中州詩派嫡前代黨人陳定孫從居

柳暗湖脣影苔深屐齒痕超然吟眺意晞髮向朝生會

商邱 駮

廣州候代同沈秀才鳳翥吳畫士雲遊羅浮

得暇羅浮去扁舟發夜分月華涼在水山影澹於雲詩

思遙相入秋聲寂不聞出門纔數里已覺豁塵氛

勞灘

疊疊危磯矗江心截急渦千尋鍊交鎖十萬劍橫磨篙
逆濤頭刺舟穿石罅過灘名應記取努力慎風波

苗人

侏儻言不辨椎魯意偏真混沌猶無竅獠狃略似人千
針縫衲細百褶製裙新莫笑鬼方陋淳如懷葛民

水城

百里蠶叢盡孤城帶碧川地偏無古蹟山豁見平田莊
叟無何境仇池小有天如何此佳處拋落獮人邊

甌北詩鈔

五言律二

五

再遊葡萄泉作

噴碧泉成串疑通海眼生我慚臨水照他是在山清未
可龍珠挂偏宜馬乳名挑來試新釀會及臘醅傾

江行

風細江行緩中流日暮時遠帆如不動寒月故相隨巴
水來三折湘雲望九疑從來騷客地遺跡令人思

曉過儀真

九日江干住今辭燕子磯浪隨殘雨盡船趁退潮歸孤
月寒相照閒雲澹不飛到家堪計日猶及試春衣

送馬沅亭歸里兼寄邵耐亭

萬里相隨久歸仍共一艤詩多成筍束人瘦似梅花客
窘慚爲主途長喜到家憑君先寄語一問邵平瓜

簞灣曉發

郭許喧開櫂冥濛一望中江雲殘夜黑海日五更紅巢
鶻驚棲憂洶雞喚舞雄當年曾擊楫慚愧漸成翁

傑句突過盛唐誰謂雲崧不講格律也

五日郡城觀競渡

蒲酒觴初泛榴花火欲燃歲華當夏五戲事到秋千珠
翠中流舫笙歌徹夜筵歸田吾過分正及屢豐年

聞王協和總戎之計

廩北詩鈔

五言律二

六

裹草原初志驚聞折將旗虎飛曾食肉豹死亦留皮殺
賊髯應磔臨戎甲不披可憐分手日本不問歸期

舟夜

寒戀重衾卧舟行何處溪孤燈殘夢蝶落月滿村雞作
客將衰矣懷人正渺兮櫂聲將斷處已到草堂西

戲咏老少年

自是寒能健休強老尙童雞皮三少候鶴頂百年功晚
照散餘綺衰顏發醉紅

蘇詩兒童誤喜朱顏
在一笑那知是醉紅

西風黃葉裏暗慰

白頭翁

再題小倉山房集

只擬才華艷誰知鍛鍊深殺人無寸鐵惜墨抵兼金古
鬼忽聞泣飛猱不可擒挑燈重相對何許妙明心

故兼以文端師遺集囑余編訂付梓卽事感懷

滋然有作

十載驚相見停舟古驛旁麻衣俱似雪蓬髻各成霜
麋闌尙書履宵燈弟子牀前塵重撥觸洒淚滿河梁

屈指論交舊真逾骨肉情十年同筆研兩世互師生

不話深更文端公門時齋兄弟又從余受業書館依劉跡詩壇說項名重逢歐叔弼能

甌北詩鈔

五言律二

七

述菴到常適袁子才亦至遂并招蓉龕緘齋魯斯

讌集寓齋卽事

邂逅名流集朋簪此會奇我當師北面客似醮南皮扶
醉花頭下聯吟燭跋時聽談軍府罷騷壘又張旗

好句欲仙保泰

丹陽道中

曉發丹陽郭春波綠上篙河分江溜急岸似峽門高
官

路新舒柳

君恩舊賜袍迎鑾何敢後廿載俸錢叨

程晴嵐太史招飲荻庄卽事

小築堪尋勝。湖千第幾灣。是村仍近郭。有水可無山。疎
密花千樹。迴環屋數間。主人頭半白。養靜作禪關。

破寺

楚楚鐘魚院。何年遂式微。卧苔碑没字。支木屋無扉。古
佛蛛牽網。殘僧蝨滿衣。空門亦興替。小立弔斜暉。

渡太湖登馬蹟山

元氣混茫間。雄觀上碧孱。無邊天作岸。有力浪攻山村。
暗楊梅樹。津開苦竹灣。離家纔廿里。垂老始躋攀。

地是夫椒舊。兵戈久已歇。漁歌秋水杳。人影夕陽高。放
鴨船通港。浮龜石漱濤。何當一椽築。晏坐息塵勞。

唐舟

甌北詩鈔

五言律二

八

東臯露坐

浴罷渾無事。東臯候月明。涼生秋有信。濕重露無聲。蛙
鬧當更鼓。螢多似火城。野夫閒富貴。或謂勝公卿。

野泊

野宿依叢葦。寥蕭水觀澄。疎砧秋巷杵。遠火夜船燈。暑
謝平頭扇。涼催半臂綾。倚舷趺坐久。纖月吐微稜。

四月初一日營葬事於馬蹟山禮成敬誌三律

頻歲憂窳窳。今纔構一阡。湖山傳馬蹟。塋兆得牛眠。丙
舍營猶待。瀧岡表僅鐫。可憐安厝日。已是服除年。

多謝術家言。佳城蔭後昆。敢因藏父母。更想福兒孫。祭

掃編家法哀榮紀 國恩他年吾耐葬死亦奉晨昏

色養慚多缺。惟茲地頗佳。神靈應陟降。山水最清華。或可垂千禩。何須置萬家。惟期一廬築。終日誦楞伽。

爲長兒娶婦

五十始稱翁。今朝喜氣重。何時畢婚嫁。從此學癡聾。花燭粗成禮。門楣冀亢宗。朝衫吾久疊。一爲啓塵封。

贈荅龔

前輩風流在吾鄉。只此翁無錢。偏作達。每事必求工具。饌常留我論詩。輒憶公何當。一爐火相守。歲寒中。

莊蜚英同年索詩戲贈

甌北詩鈔

五言律二

九

里社尋同榜。南華有散仙。居官甘下考。娶婦已中年。食是書中粟。歸無俸外錢。曾嫌折腰苦。偏折鏡臺邊。

生事

生事漸蕭然。年荒剩石田。薪燒連葉樹。飯待作碑錢。僮少將兒使。家空恣犬眠。微聞奴僕話。列鼎服官年。

屏跡

屏跡無塵事。空庭綠滿苔。杜門閒客散。攤卷古人來。茶淪大團月。琴彈小忽雷。經旬少詩思。或待牡丹開。

好句天成舟

太湖口守風

泊舟羅步港風勢正喧。白浪無人渡。青山似馬來。野
香花信報春色。燒痕回隱隱。祥符寺遙聽。粥鼓催

雄傑

村居

門掩綠蘿陰。團蕉晏坐深。新詩多杜撰。舊帖有唐臨。不
管飢腸吼。惟知抱膝吟。家人竊相笑。黃蘗下彈琴。

咏史

食椒能幾粒。八百斛猶貧。枉署摸金尉。先爲入草人。但
知烏攫肉。豈悟象焚身。何事狂奔者。依然覆轍循。

納涼

盆池新浴罷。雨過淨遙空。霞色隨孤鷺。秋聲在一蟲。移

甌北詩鈔

五言律二

十

牀風過處捲幔。月明中晏坐。生禪悅。此懷誰與同。
坐久渾無暑。濛濛露氣侵。殘燈三鼓暗。斜月半牆陰。人
老如秋到。詩成已夜深。虛堂清不寐。一再撫瑤琴。

連日飲晴嵐家賦贈

良晤連旬日。深叨地主賢。家多佳子弟。身是老神仙。杯
續過牆酒。詩成湧地泉。晚香風味好。正在菊花天。

哭蓉龕病歿杭州

鄉邦年最宿。臺館職皆清。老尚好丰采。貧偏富性情。琴
樽前輩韻。月旦後生評。何事西湖去。俄驚笙鶴迎。

漁梁驛韓蘄王擒劉正彥處

地險漁梁驛。狂酋此擁師。雖非大敵勇。正值小朝危。一戰無遺寇。偏安有德基。江流千尺岸。故跡令人思。

建陽市謝疊山賣卜處

出亡悲故國。忍死爲衰親。托業重三卦。埋名陽九辰。滄桑交象變。被蕨課錢貧。始覺成都市。垂簾是幸人。

食荔支

百顆新登市。無煩驛騎馳。肌膚姑射白。風味玉環肥。頓覺清芬溢。先令暑氣微。老夫情不禁。爲脫絳羅衣。

廈門大風望海卽事

海聲連日吼。颶母發狂飈。信有水皆立。兼疑山亦搖。樓

甌北詩鈔

五言律二

十一

船依古嶼烽。火隔秋潮安。得鞭驅石排。成萬里橋。

食江瑤柱

荔支曾飽啖。瑤柱此新嘗。味美勝熊白。形潛似蠟黃。孤撐非獨骨。相倚有連肪。口福吾滋愧。居然服玉方。

冲祐宮

水複山環處。琳宮絢彩霞。路疑毛女洞。地是羽人家。丹竈鐺銖火。茶經粟粒芽。何當息塵鞅。晏坐讀南華。

抵家觀競渡

一載叅戎幕。今纔返釣游。幸非歸馬革。猶及看龍舟。簫鼓喧河市。烟花映水樓。故鄉終覺好。只合老菟裘。

張荷塘明府訪余揚州不值留詩集見貽寄謝

枉訪偏相左。瑤編荷見貽。官爲強項吏。詩比折肱醫。聲氣三生癖。江山六代奇。何當遠來謁。各慰十年思。

瓜洲江上遇欽齋制府歸樞哭之

告別纔春夢。哀音到及冬。勤勞軍事歲。贈卹

主恩濃。身遍八州督。官還五等封。恩旨給還昭信伯飄飄丹旆返。

江上泣相逢。

胸次有千卷。目中無一人。面常寒似鐵。髻已白如銀。料事洞觀火。防奸濕束薪。曾師張太岳。或是前身。

人情憎貴倨。

甌北詩鈔

五言律二

七

帝眷鑒精誠。久擁八騶唱。頻驚五鼎烹。公兩入詔獄賜環無

喜色。仗節又威聲。海國終資奠。功收救孟明。

臨分尙留客。爲未了儲胥。失我渾身膽。催公發背疽。公發背疽

歸艤長路冷。贈賻故交疎。何限存亡感。憑棺一慟餘。

吟薌歿於京邸。其子孝方扶柩過揚。廿年老友遂

成永別。憑棺漬酒。不自知涕之無從也。

歸樵來千里。嗟乎我瘦銅。君戲字神清如叔寶。詩峭學涪翁。

借隱言猶在。聯吟願竟空。長安重回首。曾共一燈紅。

久趨掖省直。終乏草堂蕢。死有飛蠅弔。生常借馬騎。又

停方朔米。誰斲蔡邕碑。稍幸名山業。刊成廿卷詩。

聚散真難測。交深會忽怪。幾年同硯席。一別邈河山。官閣論文罷。蠻江送客還。豈今纔永訣。廿載隔容顏。

余在廣州時君

來數月別後遂不復見

寄晴沙

露冕猷方壯。循咳跡早還。詩兼雙井派。家傍二泉山。雖覺顛毛白。猶欣綵服斑。遙知色養暇。瀟灑有餘閒。我亦離塵事。深愁染素絲。早爲鴻羽漸。恰共虎頭癡。問雨隨農父。臨流作釣師。江湖須我輩。歌咏太平時。

舒城有感於周公瑾道南推宅事

一見心相許。交深意氣中。霸圖初草創。年少兩英雄。名

甌北詩鈔

五言律二

十三

已君臣定。情真骨肉同。道南何處宅。千載想遺風。

夜宿樓賢寺

一宿招提迥。山空夜更清。餐分僧粥淡。光借佛燈明。呼吸總雲氣。夢魂猶瀑聲。人間惟此境。寂寞少人爭。到此絕塵慮。兼忘陟險勞。不眠同佛醒。無語覺僧高。月影空庭藻。松聲半嶺濤。清遊恐難再。題壁一揮毫。

岳母墓

岳侯茲負土。千載塚嶙峋。好母生賢子。忠君卽孝親。樓霞翻裏席。防墓幸鐫珉。應慰劬勞意。祠官尙薦蘋。

問之寺僧今尙

祭于

危欄瞰無地。千載庾公樓。吳楚天南界。江山國上游。已無塵汚面。尚有月當頭。想見賓僚讌。新亭笑楚囚。

送德孫入京補中書

是我歸田歲。看君出仕纔。釣遊雖雅尚。館閣正需才。著述成家久。江山攬轡來。秋風方颯爽。十幅布帆開。舊德尚書重。華資學士清。龍頭家故物。鳳沼宦初程。誓草綸扉制。行題杏苑名。烏衣門第在。待爾振英聲。

薇省吾曾直。歸耕跡久違。紗誰籠壁字。笥已疊朝衣。去國桃千樹。流年柳十圍。巢痕想如舊。回首五雲飛。

甌北詩鈔

五言律二

十四

鄉國稀同調。惟君結契深。文章千古事。甘苦兩人心。此去關河阻。吾衰歲月駸。尙能重見否。不覺涕沾襟。

報恩寺塔二十四韻

傑構崇千尺。前朝一刹筭。事因慚德起。財以報恩殫。欲借莪蒿感。聊瀦骨肉殘。天開新窳堵。地鎮古長干。戰伐矜餘力。莊嚴出大觀。輪蹄精衛運。埏埴女媧搏。遂蠹浮圖峻。平臨象緯寒。九層危折屐。萬堞俯憑欄。杳棟霞連紫。琉璃日耀丹。江山窮遠目。金碧駭飛翰。勢極凌虛迥。工尤入細難。瓦紋浮翡翠。石質琢琅玕。梯級千栳轉。龕燈百盞攢。綺疏雲錦繡。畫壁海波瀾。累臂衣無縫。巧墻

額豈癡是誰都料匠幾費管勾官想見尖初合爭諛績
不刊幽冥資薦福靈爽慰貽安不有捫心愧焉成仰面
看直思欺佛慧豈果得親歡世己更碁劫基猶鞏石磐
天樞唐折柱露掌漢傾盤獨此雄都會常教聳戒壇惟
應歸佛力恩怨總無端

可型內弟自甌寧罷官歸慰贈

出宰纔三載匆匆似掛單腐儒爲吏拙貧宦事人難贏
得顛毛白聊嘗荔子丹多君瀟洒意甌破不回看

只道琴堂好全家可食租翻無臺避債幾置獄追逋劉
寵錢能幾平原米孰輸妻孥滯甌越典賣到天吳

甌北詩鈔

五言律二

五

憶會官沛上頗耐廣文貧臺有歌風蹟門多立雪人至
今思收藉轉覺勝勞薪諫果多回味知君念昔因

賴有西江潤能噓涸轍枯

合姪合州裝印全表
償數千金始得歸

始知家孝友堪

共命艱虞祖父遺風厚詩書食報劬得歸聊慰意先業
本寒儒

遊高旻寺贈清涼上人

來往頻年數禪關總未登誰知三寶地獨有一詩僧定
力降魔杵圓光禮佛燈從今已公屋每過好支藤

瓶拂安心處烟凝篤禱香稱詩才子氣持戒少年場芥
孔須彌座鈴言替旻岡神通羅什大開口喫針鉞

最是禪堂寂。團蕉證淨因。結趺成土偶。緘口豈金人。柳
或將生肘。花應不染身。出家殊太苦。吾不羨修真。身觀象
僧禪
船馬交馳處。中藏地百弓。始知虛室白。能隔軟塵紅。身
已安單穩。才仍出世雄。緇流三百輩。齊守本師風。

寓西湖十日雜記游跡

足跡半天下。西湖夢每牽。有山皆老樹。無地不清泉。昔
到曾三度。重來又五年。扁郎如舊識。迎我瘦筇前。
居停借禪榻。攬勝有湖樓。才退無佳句。年衰只近遊。地
連衣帶水。路穩木蘭舟。來往從今熟。思爲結夏謀。

不有空王力。湖山孰別搔。半千列羅漢。百八吼蒲牢。寺

甌北詩鈔

五言律二

六

大魔妖伏年。深檜栢高。儒家空誘佛。安有此雄豪。
孤山好林館。丹碧映清漣。暮竹無山鬼。春祠有水仙。馬
蹄芳草路。人語綠楊煙。遙想逋翁隱。當時尚未然。

雨霽波如拭。拏舟夜正中。天心孤有月。水面四無風。此
地真離垢。吾身已付空。始憐塵土夢。向日未消融。泉皆
昔人論勝賞。水木足清暉。泉有源方活。山無樹不肥。湍
流喧石瀨。濃翠暗林霏。此景惟靈隱。何須侈鷲飛。

南海梅檀像。西天梵唄音。寺因闕世古。佛亦借山靈。齋
粥僧千指。香錢歲萬金。是何津筏力。天福到如今。

雲棲吾未到。乍此踏芒鞋。十里入深竹。一菴依峭崖。齋

規平等法物命放生脾何許蓮池老空門另立階
送客風篁頌談深不覺遙遂令龍井寺遠配虎溪橋韻
事成千古清泉尚一瓢辨才安可得依樣亦難描
憶乍迎 鑾歲湖山渲染頻至今亭館舊非復畫圖新
鐵點無靈術金剛有壞身佛仙俱望幸何況是齊民

德生庵夜坐

晏坐佛堂深燈殘漏欲沉上方清淨地獨客寂寥心賊
不偷春夢鬼能聽夜吟是夕有所警故云湖光微閃動弦月上高

岑

題余伯扶孝廉黃鶴樓圖

甌北詩鈔

五言律二

七

崔顥題詩處危磯最上頭千秋猶傑句四海一高樓後
世才誰敵先生興獨游遙知豪氣溢俯瞰大江流

遊焦山贈巨超練塘兩詩僧

孤嶼中流矗扁舟一纜維有天無地處過暑未寒時乍
到慚生客相迎有導師盤旋雲磴迥百級此探奇

境與世相隔滄波四面澄山如隱君子寺有好詩僧說
法神魚舞安禪怖鴿憑天親與無着相對一寒燈

蒼耳寧愁墮相隨杖錫飛江清天作底山瘦樹爲衣藥
物尋黃獨鐘聲出翠微尙嫌浮玉俗丹碧耀禪扉

山深絕塵跡禪侶似熏篔草苗知更歲花開必作詩幽

居憑鑿翠韻事出披緇。享盡清閒福。叅寥不自知。
頻歲思探勝。勞勞未得閒。始知一座海。錯過幾名山。
衰老遊纔果。登臨力已孱。何當來結夏。長共掩禪關。

西干故里

野景農家好。西成候薄寒。晚風牛背笛。秋水鴨羣竿。
山樹紅黃綠。村醪苦辣酸。年豐民氣樂。相見勸加餐。

祥符寺

地擅夫椒勝。重來杖策登。秋山黃葉路。古寺白頭僧。
種占高廩。琉璃續慧燈。前朝留梵筴。籤軸至今騰。

寺有宣德中所

須全部藏經

甌北詩鈔

五言律二

末

澄心

澄心觀物化。空翳掃無痕。身具小天地。名逾賢子孫。
老猶薑有性。貧幸菜餘根。鎮日安趺處。禪牀坐欲溫。

課兒輩

衰老無堪述。清貧詎有貽。惟將前輩事。說與後生知。
家法恬侯傳。官箴聳叟詩。簾金定何物。徒益汝曹癡。

渡江

復此橫江渡。荒郊落木時。關山秋滿眼。風露曉侵肌。
白小鮮宜汁。黃團膩有脂。豐年光景好。比戶總恬嬉。

一棹滄波晚。孤征未息勞。江聲連日壯。山骨入秋高。路

熟輕風浪年衰感鬢毛往來何僕僕慚對廣陵濤

夜泛

清游趁良夜風露晞吟身天遠似連地月高偏傍人塵
氛一以淨詩境此焉真何處漁歌起寥寥古渡濱

時交夏至久晴難以翻犁地方有司亦斷屠祈雨

忽甘霖連至喜而有作

好雨如償券平疇待插禾世無郇伯久天怕杞人多早
聽驅秧馬寧嫌長麥蛾麥濕前生蛾先生輟耕慣亦且試青篔

揚州寓齋椿樹一株高五丈許數百年物也夏日

納涼了無暑氣作詩記之

甌北詩鈔

五言律二

九

檻外靈椿古繁陰五丈橫雨來無濕地夏至已秋聲借
蔭當張蓋驅炎省搭棚八千春最壽老愛此佳名

靜中觀物理似爲便衰慵紅日將增暑綠陰亦漸濃因
高多宿鳥無艷惹游蜂晚飯經行處盤桓當撫松

傅文忠公以子嘉勇公勲封郡王追贈公如其爵

江鄉故吏恭閱邸抄國恩私誼感涕交頤敬

成四律

濟美分茅土追崇溯構堂相門兼有將異姓特封王不
數韋平盛真看帶礪長褒忠

恩命極誰不涕沾裳

曠古真希見桐封累代榮世家蕭北府遠又蕭氏世屬北府宰相之選王爵

李西平懋賞頒金策崇勲勒鼎鐫豈真因子貴公自有

忠貞

廿載黃扉地從容退食遲當時初不覺今日有餘思長
養人才出調和國脈滋昇平論相業圭組本非私

遠附王門瑟殊慚越分嘲六年東閣吏兩世北平交喜
聽新龍誥重懷舊燕巢受恩貧賤日此意總難拋

渡江

又指瓜洲渡輕舟狎暮濤江山長不老名利兩空勞稍
喜張帆穩寧誇擊楫豪前途有蘭若一訪遠公高謂高峯錫和尚

甌北詩鈔

五言律二

三

老去要知止夜行殊未休已拋文字蠹猶作子孫牛大
夢誰先覺勞生敢自由漆園應暗笑夜壑苦藏舟

治病

壯健殊無疾俄驚體不康刀圭纔下藥癩疥欲成瘡誰
覓三年艾徒炊百沸湯及今猶可治急選國醫良

夏寒

正當驅暑候偏怯薄寒時夏日翻堪愛秋風似預支自
因水氣盛枉負樹陰垂統扇何須怨裘還六月披

蘇州元妙觀登三層樓

傑構雄都會重簷碧落邊地離天不遠道與釋爭傳紫

極宮垣峻青冥殿榜懸侈功窮土木壯觀奠山川
千尋樹香連萬井烟獅林人僅寸虎阜塔齊巔
玉座三清像瑤臺八洞仙圭裳班肅穆旌旆勢
飛鸞岳瀆羣神列風雷一氣旋猶龍宗派遠鳴
鶴咒符先科律黃冠習威儀繡被翩八琅天樂
曲七宿斗壇筵丹篆雲霞古金莖沉灑鮮降魔
椎作杵送鬼紙爲船別有披簑客相傳脫屣年
宋何立肉身尚存東牕看鼎鑊下界棄蹄筌地以
仙靈著人彌信嚮堅神都增胎蠻佛刹遜喧闐

萬乘巡曾駐三元會共虔周廓千步地列肆百區
屢祝卜筮篇集遊觀履舄駢種桃詞客句賣藥道
人錢我躡

甌北詩鈔

五言律二

三

丹梯級來繙綠字箋市聲囂不到天籟咳相連
眼廓三千界胸羅廿八躔置身霄漢上已覺斷塵緣

湖海

湖海生平氣徒悲兩鬢幡作詩新意少入夢死人
多薄俗羶螻蟻虛名疥駱駝何當一藤杖空谷老
烟蘿

讀杜詩

杜詩久循誦今始識神功不創前未有焉傳後無窮
一
生爲客恨萬古出羣雄吾老方津逮何由羿彀中

用白傅虎邱寺路韻題思白堂

虎阜東西寺詩仙載酒頻時人稱公爲詩仙見舊唐書本傳至今遊賞處又

有表彰人地較匡廬麗園更蔣徑新名流護名蹟應與共千春

杜蘇鐙脚峙靈爽往來頻恰比三游洞何須九老人山川今視昔亭館舊翻新懷古情何限年年此地春

述菴司寇竹汀宮詹過懷杜閣寓齋小集

舊雨一朝集欣聯李郭舟若非憑勝地安得召名流幸脫龍蛇厄子才西莊皆以已年下世同為笠屐遊山塘人已說好作畫

圖畱

館閣青雲契林泉白髮年相逢非偶爾欲別輒凄然况是鶯花地而當櫻筍筵一尊同話舊能不重流連

甌北詩鈔

五言律二

三

春蘭禁體和呂叔訥廣文

霜雪亦青葱春來發幾叢有香羣草內無色萬花中粉氣薰常借鉛華寫未工幽人憐臭味最喜素心同

吳下諸生聞余至多以詩來謁頗費應酬率賦

偶此成流寓何期戶屢盈我慚無實學人尙愛虛名豈有傳衣付殊勞倒屣迎此邦風氣好前輩肯心傾

棲霞訪竹濤上人不值畱贈

高旻推上座鑑公弟子卓錫到棲霞佛土重開境僧詩一作家喬松雲氣古奇石浪紋斜採藥往何處遲余過午茶

四哀詩

前五哀詩皆於余有知遇之恩故記述稍詳而
同輩中文字性情之友已歿者尚有四人各記
五律一章爲四哀詩

杭白峯秀才

老數平生友。終推舊學真。賭文期必勝。規過或相嗔。冷
淡黃齏飯。癡狂白眼人。傷心一衿死。畢世未尙伸。

張瘦銅舍人

京邸畱君住。寒酸共芋羹。劇談千古識。奇氣萬人英。校
試遺方叔。丙戌余分校春闈而君下第歸裝薄陸生。君訪余廣州觀驢愧未能厚生平慚負

處畱取郵孤惇。今詞考門等皆貧苦

甌北詩鈔

五言律二

三

家璞函主政

獻賦登華省

欽試取中書

從戎死戰場

殉木果木之難

與余同氏族愛爾

好篇章。滇帳言千縷

在海從軍與余同帳

黔郵淚數行

君隨溫將軍入蜀過余威寧官舍握別

豈知成永訣。目斷蜀山蒼

徐秋園別駕

宦味皆恬淡。風塵早息肩。同爲林下客。時掛杖頭錢。游
戲昇平世。消磨老大年。祇今誰伴我。顧影一淒然。

接同年李雨村觀察書乃嘉慶二年十一月朔日

自綿州封發兼附雨林詩話十六卷採拙詩獨

多感賦四律寄答

不見李生久。今朝接寸箋。來原經萬里。到已歷三年。想像鬢眉老。傳聞子弟賢。京華舊遊跡。振觸一燈前。

天各一方遠。年皆七秩餘。料無重見日。但望再來書。豪氣應猶在。交情故未疎。採詩偏我厚。百首累抄胥。

此書前歲發。蜀土尙無虞。豈意魚鳧國。今成豺虎區。可能扶老杖。當作辟兵符。莫是將軍號。真教展壯圖。

君京宦日人呼

爲小李將軍

得信知君在其如。寇禍侵遙知。驚夜火不敢嚮。秋砧契闊同年面。迢遙兩地心。憂時兼憶友。不覺涕沾襟。

甓社湖隄守風

甓北詩鈔

五言律二

音

秦郵方掛席。甓社忽停舟。鬱怒風成塊。狂飈浪出頭。不圖險有此。自笑老何求。漸覺寒威重。呼童檢敝裘。

馮涇道中

間道出江郊。舟輕水不膠。一條河路暗。兩岸樹陰交。村火有時閃。漁榔何處敲。幽栖須地僻。安得此誅茅。

不覺

不覺喟然嘆。蹉跎愧此身。無窮千古事。只作一詩人。炳燭空勤夜。栽花已過春。茫茫天地內。斯意向誰陳。

秦望山道中

秦望山邊路。冬寒水落槽。蒲編包籠賤。地產石築堵牆牢。

過斷船搔背

本成

燒荒地燎毛。鄉邨淳朴象真。可隱東臯。

爲偉兒得葬地於金壇夏蕭邨感賦

頻年謀葬子。今始得佳阡。地近三茅叟。名傳八洞天。

吳陸

十餘

山光畫屏上。民俗結繩前。窳窳於茲定。應無憾九泉。

久不音容接。孤魂若箇邊。忽欣來蝶夢。恰報得牛眠。卽

抵筵。算卜堪營堂斧。堅佳城得安厝。倘廕子孫賢。

數年來兒久不

入夢是夕忽夢見之而買地成券之信適至

暑雨

暑雨今年劇。天容潑墨圖。雲張破敗重。霧呂糊塗敢。厭泥行滑聊。欣稻把粗江湖無國事。惟有頌多稔。

甌北詩鈔

五言律二

五

衰態

衰態今年甚。精神恍惚看。燈前敲石火。飯後問朝餐。客厭言辭復。僮嫌服侍難。只餘詩興在。亦漸少波瀾。也識書何味。徒虧目力微。因之姑舍是。忽又悵無依。食蓼蟲雖苦。搬薑鼠豈疲。笑看殘帙在。吾與爾同歸。

偕立庵瑩溪艤舟亭看辛夷花

玉蘭開一樹。雪髻坐三翁。頭似爭花白。顏須借酒紅。流

連遲夕照笑。詠答春風亦自成。清賞何嫌地百弓。

不寐

一夜難安枕。初更到曉烏。撲蚊翻擊額。搔蝨至傷膚。我

豈有羶行渠。偏善鶯趨。茫茫天地內。此輩詎勝詠。

好雨

好雨栽秧早。纔栽雨又添。人工天總代。秋稔夏先覘。濕
壓青蓑重。勻浮翠剡尖。江南真福地。穩放老夫潛。
已驅秧馬遍。寧藉土龍求。狂吠增田蛤。閒眠到水牛。勞
皆忘襜褕兆。已卜車篝并。省豚蹄。祝天心。亦太優。

南村坐雨

幾被老天吞。雲濃裹一村。懣雷聲在甕。怒雨勢翻盆。啼
怖兒收淚。奔追客斷魂。忽然風一掃。夕照又當門。

夜坐

甌北詩鈔

五言律二

美

初夕無纖月中庭坐露華繁星紅似沸穹宇碧無瑕浪
說支機石誰乘犯斗槎稚孫誇數典騙我劈涼瓜。

早起

趁涼貪早起剛盡五更天月出衆星後鴉鳴百鳥先荷
鋤農適野打鼓客催船忽憶東華路車塵已似烟。

毒暑

毒暑今年甚當空煽赤烏人將投炙甕天果作洪爐毛
竅珠拋汗痲根粟突膚何當縮地法遁入水晶壺。

燄摩天未到烟瘴地猶輕犬舌喘長吐鳥鳧噤不鳴劈
瓜童競奮揮扇僕頰更忽念夏畦苦頓教心太平。

王仲瞿孝廉見過

樂事偶相值非關步履尋良朋來不意好句出無心便
覺煩襟豁能消俗累侵黠奴知款客早備一壺斟

老鈍

老鈍人皆棄孤行我自尊門庭無過客城市亦荒村緩
步但三徑小詩多五言草花栽滿地聊復當名園

一室

一室澹無事寂寥性所耽丹砂祛姹女白香山燒丹詩
姹女隨烟飛黃面

證瞿曇落想到非想常談見不談惟將本來質受和保

初廿

甌北詩鈔

五言律二

七

曉起

寒深夢易醒曉起步莎廳屋瓦霜千片爐灰火一星暖
胸浮大白療眼點空青只苦閒難耐明窗晝治經

閩粵間有所謂天地會者為匪徒結黨名曰余客

閩時已聞之日久益熾今閱邸抄廣東博羅縣

會匪之在羊糞山者不下萬人據險結寨將為

不軌總督吉公慶提督孫公全謀調兵勦殺追

至羅浮山之華首臺冲虛觀諸處生獲賊首陳

爛屐餘黨亦盡殲洵奇功也喜賦

是我曾遊處天南好澗阿余官粵時
曾遊羅浮誰知仙佛地竟作犬

羊窩幸未蔓延出欣聞草薙多梅花村在否知剩幾殘
柯

憶昨荆巫亂初猶易撲蚊只因堅壁守遂使燎原焚縱
有全收局何如早奏勳偉茲功拙速省得歲調軍

風氣

靜裏觀風氣遷流有疾徐何當人滿後迴憶我生初物
價市三倍人情鬼一車城多新樣髻窘有不時蔬崑曲
更絃索京靴走里墟戲場千步埒神會八捫輿賣菜傭
求益牧豬奴善擣飲坊喧夜肆遊舫泛春渠翡翠鑲花
鈿玻璃嵌綺疏厨羹窮雉兔燈事舞龍魚馬妓龜猶弔
甌北詩鈔

五言律二

天

雛姬髮始梳但貪嬉燕雀曾未識犂鋤身計傾卮漏時
趨竭澤漁官箴嚴篋簋吏窳橫苞苴白望典無賴朱提
如有餘甘鈴強好劫汶芋富愁狙俗已囂難靖憂將溺
載胥不知從此後流極更何如

甌北詩鈔七言律一

陽湖 趙翼 雲崧

梅花

殘臘春心世未知，忽傳芳信到南枝。
身立雪程門弟，素面朝天號國姨。
紙帳有香吟倦後，綺衣無影夢回時。
清晨動我巡檐興，準備東風第一詩。

正是冰霜徹骨天，何當冷藥別成妍。
衆芳皆後真香祖，同調無多只水仙。
踏凍來尋芒屨滑，忍寒相對繡帘拳。
着花老樹嫣然處，箇是人間枯木禪。

江南江北枉相思，何處探春見一枝。
古寺月明僧定夜，

甌北詩鈔

七言律一

一

空林雪滿鶴歸時，竹松自結同心契。
蜂蝶寧容半面窺，到得百花爭炫處，始知老輩不求知。

隴頭流水嶺頭雲，消息相關結想殷。
一到歲寒誰伴我，每逢月落便思君。
寫真不藉丹青筆，作賦何妨鐵石文。
剩欲訂爲交耐久，江城笛好數相聞。

古今咏梅詩多矣工切
渾脫應以此爲第一 故

贈性海上人

小茅菴底酌香醪，詞客詩僧兩老饕。
偏袒右肩獅獨吼，堅持左手蟹雙螯。
參寥戒爲狂來破，蘇晉禪須醉後逃。
灌頂醍醐原佛諦，未妨世眼笑酩醕。

新霽同杏川諸人散步

積雨江村綠漸稠。喜逢霽景豁吟眸。春留紅藥拖殘尾。
雲放青山出一頭。聲在樹間禽姓杜。香尋花底蝶爲周。
郵翁莫笑貪兒戲。我是人間馬少游。

陽湖晚歸

布帆輕颺晚風微。回首陽山正落暉。鷺點碧天飛白字。
樹披紅葉賜緋衣。詩情澄水空無滓。心事閒雲澹不飛。
最喜漁歌聲欸乃。扣舷一路送人歸。

黃天蕩懷古

打岸狂濤捲白銀。似聞桴鼓震江津。歸師獨遏當強寇。
兵氣能揚到婦人。有火誰教戎箭射。無風何意海舟淪。
甌北詩鈔

七言律一

二

建炎第一功。終屬太息西湖竟角巾。
航海先傳警蹕趨。孤臣猶自矢捐軀。小朝氣象偏安局。
半壁江山百戰圖。龍廟尚傳舟似馬。鶴河終恨幕啼烏。
章安不作崖山覆。容易諸公赤手扶。

題明太祖陵

四首之一

定鼎金陵控制遙。宅中方軌集輪鑣。千秋形勝從三國。
一樣江山陋六朝。燕啄皇孫傳豈誤。
謂靖難師狗烹諸將亂終消。橋陵曾借神僧穴。易代猶聞禁採樵。

淮陰釣臺

遺蹟長淮一釣臺。常令過客此低徊。蕭曹內本無君坐。

雲夢間還。謝帝來與。曾伍鱗魚。服困假齊王。伏狗烹災。
千秋此獄難。翻案留作人間。千古哀。

此詩便可作千秋定案
保泰

泊頭鎮卽目

曲曲圍牆短短籬。黃塵和粉點臙脂。春來北路稀花事。
人在東風學柳絲。枉自數錢工姹女。方將乞食到歌姬。
河干小泊超神觀。欲笑阿難被咒時。

入都依外舅劉午巖先生館舍

時先生客於
宮保尹公第

倦羽飄飄得暫投。蕭齋燈火話羈愁。我來客路誰青眼。
公在名場已白頭。五畝何時乘下澤。一壺還仗引中流。
旁人。不識飢驅出。只道從師負笈游。

甌北詩鈔

七言律一

三

辛苦蟲魚手自箋。公車曾載牘三千。病猶作客因賢主。
老不趨時讓少年。篋裏一經垂就業。畫中二頃未成田。
隣公已是依人廡。我又依公似捋駢。

呈座主休寧汪公

六六天鄣氣鬱龐。挺生耆碩道經邦。文章一代推燕國。
風度千秋繼曲江。司馬鑑開書局纂。

帝鴻硯贊筆椽。扛身當鼎鉉。和羹久早晚。宜麻下鎖窗。

退食歸來雅興長。三間新築職思堂。翁齋杜門客少心如水。

謀國年深髯有霜。運腕字開千石弩。等身書擁一爐香。

履綦依舊儒生樣。誰識班聯日月旁。

土城懷古

德勝門外土阜本元都健德門故址然土人至今呼爲蕭太后土城必有所自按遼聖宗母蕭氏最賢岐溝關之捷益津關長城口及瀛洲之戰澶淵之役皆與聖宗同行此或其駐師地也郊圻屹立土門崇遼后曾經此詰戎赤帝敢傷吾子白雌風偏勝大王雄封椿坐困南朝費歲幣終來內府充千載遺踪有雙阜猶傳女隊簇妝紅

新整豆之極保赤

負髮圖成髻未華手攜嗣主戰邊沙不聞宮掖悲人銳肯使兵塵喪帝艸粉黛三千歌入塞燕雲十六紀傳家

甌北詩鈔

七言律一

四

笑他瓊島妝臺女空把才名後代誇

大液池瓊華島舊有金章宗李宸妃妝臺

壬申下第作

倦游情緒峭寒天人海喧中黯自憐漫擬穿楊憑一箭又須刻楮費三年達磨向壁空叅佛子晉吹笙已得仙席帽巾箱商去住欲歸誰辦買山錢

身本高陽一酒徒無端托業忝爲儒舉場我歎魚緣木

敗卷人喧鬼畫符

三字見元遺山詩

羞學空函書咄咄共誰擊缶

和鳴鳴祇應白髮高堂夢猶問泥金信到無

閉門仍與一編親肯便干時踏軟塵鑄硯終看穿硯日拆橋多是過橋人關河倦羽三更鴈風雪寒衣百結鶉

笑看禰衡名刺在已經磨滅字都湮

哭杭廷宣之訃三首之一

河梁送我峭帆輕一別俄驚幾載更久客不歸無異死
故人入夢尚如生過車三步他年痛許劍千金舊日情
身計定知君不舍忍辭殘局爲收枰

沉誓

集益齋卽事戲呈休寧座主

退直歸來雅興賒閒商文史浩無涯公於此已肱三折
我愧才非手八叉幸有津梁先路導何煩絲竹後堂譁
步趨宛憶童時景書館從師侍絳紗

時晴齋與王穀原舍人小飲

甌北詩鈔

七言律一

五

西窗剪燭月痕斜旅邸相依感鬢華倦後客懷叢桂樹
瘦來人似老梅花才名競欲招東閣

先客梁薊林家室第
今客汪松泉司空第

狂態

兼愁溺正衙且莫臨觴悲晚晚千秋著述已成家

哭杭應龍先生墓

漬酒那禁涕淚俱死生曾不待須臾我歸但有徐君墓
公在曾憐趙氏孤奔問已悲新宿草酬恩空托一生芻
依然牀下梁松拜無復溫言誨座隅

垂楊

垂楊依舊掩窗紗簾幕無聲但日斜小杜去猶非綠樹
前劉來已失桃花紅綃枉自思公子碧玉仍憐嫁小家

彈指鴻泥成往跡。燕菁香裏飯胡麻。

敝廬將圯稍事修葺詩以落成

隙地何曾拓數弓。編茅早課索絢功。客途久厭三間廨。
儒行原尊一畝宮。陋稱簞瓢居巷內。貧真樓閣造空中。
只愁斷手無多日。又向天涯作轉蓬。

戲題汶上旅壁

征途日日轉勞薪。偶見天桃始覺春。滿面黃塵投旅店。
一羣紅粉看詩人。梁炊久醒游仙夢。花落難沾學佛身。
爲語纏頭無長物。或將好句寫羅巾。

樓桑邨

甌北詩鈔

七言律一

六

桑蓋童童已古邱。英雄氣尚亘千秋。敵強終造三分國。
士少能臣第一流。長坂安行真大度。益州詭取亦陰謀。
獨憐故里終拋棄。不及歌風浦上遊。

穆庵侍讀見余近作枉贈佳章依韻奉答

枉將辛苦學妃豨。閉戶窮經願每違。漫擬莊嚴千佛塔。
尚慚補綴百家衣。鞭長難護雄虺綆。短方思董子帷。
旅邸喜仍鄰近在。可容鑿壁借餘輝。

丙子元日早朝卽輪直內閣

千行鷓鴣集初寅。肅聽鳴鞭拜舞勻。玉燭星雲三殿曉。
珠杓雨露九天春。笙璫響入和風度。旗繖光涵旭日新。

朝罷獨趨輪直地。早欣發筆寫

恩綸

有唐人早朝詩遺韻德麟

同邵耐亭郊行

草綠裙腰到稷辰。相邀勝侶去尋春。波空有影凌羅襪。
塵軟無聲碾畫輪。柳絮前身原蕩子。桃花對面有佳人。
誰知袞袞長安陌。着此蕭閒兩角巾。

軍機夜直

鱗鱗鴛瓦露華生。夜直深嚴聽漏聲。地接星河雙闕迥。
職供文字一官清。蠶箋書剪三更燭。神索風傳萬里兵。
時方用兵西陲所愧才非船下水。班聯虛忝侍承明。

甌北詩鈔

七言律

七

清切方知

聖主勞手批軍報。夜濡毫錦囊有策。兵機密金匱無書。
廟算高樂府佇聽朱鷺鼓。尚方早賜紫貂袍。書生吒筆
慚何補。不抵沙塲斫賊刀。

下直同漱田秋帆諸人郊行卽事

油碧車輕度軟紅。看花喜有素心同。一春晴雨常叅半。
三月寒暄最適中。芹沼泥融銜燕子。柳塘水漫浴鳧翁。
清遊不在彈章例。莫便驚他御史驄。

路遇巡城御史故云

雨過青圻淨麴塵。出郊人馬共欣欣。班輪隻日餘雙日。
春已三分過二分。蝶趁衣香芳草路。鴉銜祭肉夕陽墳。

郊行景色真堪畫，只少擔瓶一老軍。

遊檀柘寺

蓮漏聲中轉六時，山房春靜日遲遲。
龍妝老叟時聽講，鶴被仙人每借騎。
礙石竹多旁出筍，交柯樹似寄生枝。
何當結夏來趺坐，清簟無塵一局棋。

新絕

題美人春睡圖

海棠春暖正微醺，午睡聊收繡線紋。
香篆碧縈魂一縷，枕痕紅透肉三分。
畫師何處窺曾見，侍女私相語弗聞。
且莫真真喚名字，夢中或已去行雲。

擬秋獮應制

颯北詩鈔

七言律一

八

大獮行邊輦路清，塞垣風緊峭寒生。
九天秋肅驅劉信，萬帳宵嚴虎衛兵。
上駟別羣棚烙字，頭鷺驗獲箭書名。
太平肄武軍容盛，雙燾黃龍盡幔城。

氣格逼唐 牧

路人周陞水木華，茸茸軟草不飛沙。
地包邊塞逾千里，人集華戎共一家。
衛士割鮮燒楮名，王行炙奏琵琶。
盛朝校獵成年例，石鼓岐陽豈足誇。

次韻酬袁子才見寄之作

早脫朝衫作野樵，雲煙滿塢養心苗。
才名未肯將官換，好句還應仗福消。
技有鼻傷非郢斲，音無肉味是虞韶。
何當一訪隨園去，鴻爪雙雙跡互標。

西廠觀烟火

晚直郊園月未斜。昇平樂事覽繁華。九邊塵靜平安火。
上苑春催頃刻花。跋浪魚龍烟是海。劈空雷電礮爲車。
歸途尚有餘光照。一路林巒映紫霞。

好句天成難得如此雄傑
收

歲暮劉蘭陔刑曹竹軒中翰招同章習之吏部暨
北墅漱田玉亭諸同人讌集梨園小部縱飲追

歡卽席有作

休沐相招歲晚天。斜街宵集騎聯翩。早煩掃雪三三徑。
來趁消寒九九筵。劇孟賓朋遊俠慣。岑參兄弟好奇傳。
沉沉漏鼓留髡處。風景真令裂老顛。

甌北詩鈔

七言律一

九

急管繁絃總樂方。梨園小隊簇新妝。憑他榷末都盧戲。
演出人間傀儡場。曼睪波橫燈影炫。纖腰風蕩舞衣香。
冰霜帘外寒如許。誰識春先此地藏。

移寓椿樹榭

頻年書劍客平津。宣武坊今僦屋新。喜有園林教作主。
敢誇門戶不依人。賃春尚未借荆婦。賤眷將到祭竈仍先請比

鄰。莫笑腐儒家具少。牙籤也自壓雙輪。

十笏林巒樹影斜。芳鄰更妙按紅牙。對門有歌者胡郎寓來聽北里

新翻曲。到及東風滿院花。詩社分題馳檄促。酒杯留客

隔牆賒書齋。別有新妝點粉壁。名箋爛似霞。同人皆有詩

時晴扁額墨光浮。猶是尚書手筆留。人物百年思老輩。
主賓十載感前遊。名歸青史無瑕指。地過黃蘆有淚流。
門館重來陳迹在。豈勝華屋愴西州。
高卽汪文端師
時晴齋書室

三詩情文編選百讀不厭矣

木蘭較獵恭紀

祭。纒。令。肅。正。新。涼。路。指。周。陸。較。獵。場。夜。火。千。屯。山。氣。紫。
秋。風。萬。騎。塞。塵。黃。清。時。邊。備。無。傳。警。絕。徼。軍。威。正。撤。
防。白。爲。昇。平。勤。肄。武。豈。徒。琴。麗。侈。長。楊。

行。關。嗟。我。倚。翠。屏。名。王。俱。入。宴。形。延。嘗。新。螯。蟹。勝。淮。白。

萬畧見楊
誠齋集奏。捷。頭。鷺。有。海。青。酒。醉。瓊。漿。清。暑。殿。香。霏。金。粟。廣。

甌北詩鈔

七言律一

十

寒。庭。欲。知

湛。露。恩。深。處。璫。管。鈞。天。十。日。聽

行宮大宴十日過
中秋卽入木蘭

啟。蹕。旌。麾。肅。隊。齊。舌。人。添。譯。玉。關。西。轡。調。八。駿。皆。宛。馬。

刀。帶。千。牛。有。霜。奚

吟曉克進八駿馬
降夷多備宿衛

霜。信。遲。猶。留。嫩。草。潦。痕。退。

已。少。輕。泥。木。蘭。好。片。清。秋。景。黃。葉。青。山。百。鳥。啼。

千。三。百。騎。布。圍。成。番。部。簽。來。歲。踐。更。拂。鞞。鞭。追。飛。兔。影。

鳴。騫。箭。作。餓。鳴。聲。烽。烟。前。代。防。邊。地。裘。褐。中。朝。保。塞。

兵。最。是。獲。禽。頒。賞。處。滿。營。膜。拜。頌。恩。榮。

哨。鹿。三。更。帳。殿。開。隨。行。數。騎。盡。銜。枚。地。當。深。入。多。熊。館。

物。有。相。招。似。雉。媒。獲。雉。呼。燈。山。外。火。割。鮮。行。酒。馬。前。杯。

相。如。何。用。憂。銜。弊。

天子曾經殺虎來。

上階鹿手殺一虎有御製虎神槍歌紀事

獵罷歸程馬首東。諸蕃曉送繡旗紅。路分塞外龍堆雪。秋入關南雁陣風。黍熟市低沽酒價。犁閒人課索綯功。宸遊別有欣然處。繡甸年年慶屢豐。

哭杭白峯之訃

五首之一

傳家節孝澤宜償。研削燈窗志激昂。元凱生平書有癖。次公意氣醒而狂。筆堪塚瘞知多少。墨與人磨互短長。一第未邀知不瞑。重泉應尚吐光芒。

悼亡

扁舟纔到暮春中。淒絕秋閨罷女紅。千里赴京如送死。

甌北詩鈔

七言律一

十一

十年爲婦正奇窮。瓦燈猶照空牀。篋總帳誰扶。削杖桐生一子已殤。正是薊門搖落後。淚和殘葉灑西風。

百分絕少一分償。只道將來日正長。多病尙辭賒藥餌。新婚便典嫁衣裳。頻年癡想登高第。半載窮奢食太倉。信有人間論薄命。擬呼日者再推詳。

急景俄驚逼歲闌。殘冬隨例作去聲消寒。老親捩指迎年。

酒弱女經營。餞臘盤爆竹聲中。虛煖熱燭枝。淚下共沈瀟。劇憐蕭寺冰霜夜。冷骨孤眠七尺棺。沉痛八骨舟

新僦宅有小樓可憩。而多狐祟。詩以禳之。

漫憑狡獪擾幽廬。禍福靄氛早告子。山鬼豈知經歲事。

仙人浪說好樓居。開堂笑汝禪仍野。媚竈慚吾術已疎。
談易倘如玉輔嗣。未妨來對一窗虛。

題蘗庵僧遺像

曾住花山最上層。披圖猶見骨峻嶒。立朝章疏批鱗手。
易世衣冠削髮僧。故國遺墟傷北望。空門法席演南能。
孤標自是經奇士。莫但相推續佛燈。

過文信國祠同舫荈作

鬚眉正氣凜千秋。丞相祠堂久尙留。南渡河山難復楚。
北來俘虜豈朝周。出師未捷悲移鼎。視死如歸笑射鈎。
何事黃冠樽俎語。平添野史污名流。

甌北詩鈔

七言律一

三

三百餘年養士恩。故應末造澤猶存。半生聲伎勤王散。
一代科名死事尊。滿地白翎人換世。空山朱噉客招魂。
笑他北去留承旨。也是南朝一狀元。

戰罷空坑力不支。拚將赤族殉時危。死堅獄吏囚三載。
生享門人祭一卮。血碧肯污新贈諡。汗青終照舊題詩。
如何一本梅花發。分半南枝半北枝。

三詩警切精鍊 德麟

贈張吟薊

倚聲絕藝似珠圓。鏤月裁雲過百篇。花影得名張子野。
井泉到處柳屯田。傳來曲部人爭寫。唱入旗亭妓最妍。
笑我聱牙難入律。銅琵琶上撥皮絃。

大雨倒牆戲筆

鳴簷三日雨。淋浪摧倒苔垣一丈長。并使相如無立壁。
或傳夷甫竟排牆。蝸涎作字難留迹。鹿眼編籬且畫疆。
除却青氈本何有。不妨侍陋少隄防。

曾笑冰山易作泥。不虞識在小庭西。故人來訪應排闥。
鄰女如窺免上梯。亂石已妨行藥步。濕塵先掃落花蹊。
最憐十五蕭郎竹也。復玲孌被壓低。

二詩逸態橫生故

南苑大閱恭紀

雪晴南苑曙光暉。翠輦親臨閱武來。千步廣開盤馬
地。一旗高颭晾鷹臺。風雲捲陣戈揮日。烟燄騰霄礮震
雷。特許遠夷觀壁上。威聲早過白龍堆。

七言律一

三

高文典兼用相如身

己卯元日早朝

彤庭冠佩賀元辰。今歲朝儀分外新。雞鹿塞俱編屬國。
麒麟閣已畫功臣。呼韓稽首班行肅。契苾駢肩宿衛親。
紉纓五雲金闕。剛太平中外一家春。

入古北口

路從雲霧下崔嵬。響踏空山落葉堆。投棧馬嘶歸意急。
入關雁帶峭寒來。新茅縛把增簷角。老樹刨根作炭材。
又是一番風景換。好將月令譜邠郟。

春和相公四十壽詩

扶桑弧矢掛青旻。黃閣開筵正早春。賜券功兼官將相。秉鈞身是國勳親。萬間廣廈胸恢廓。千頃澄波量渾淪。平格何須多祝頌。天教霖雨潤斯民。

一德堂廉喜起歌。手調伊鼎奏羹和。虛舟相度猜疑少。連茹人材長養多。溫室樹前頻贊畫。小車花下亦經過。從知四海蒼生福。當國名臣髣未皤。

文瑞師論葬事畢。余囑其二子承霈承霽入京。奏謝舊時賓客。皆目笑之。以爲何所望也。及霈得官。霽亦得舉人。或又謂余有畫策之能。抑知聖天子垂念舊臣。久而弗替。豈臣下所能仰窺萬一乎。

甌北詩鈔 七言律一 西

詩以誌愧

葛帔西華傍路塵。昔時賓履更誰親。豈應成季勳無後。亦恐田橫客笑人。一代特開新郵典。唐官既歿移賜其第。此例從來未有。九重自念舊勞臣。衣冠優孟慚何與。劇喜師門免負薪。

和友人洛陽懷古四首

芳林園 魏明帝因漢舊苑增築。後以避齊王芳諱。改名華林園。

包絡川原禁禦恢。令嚴將作鼓聲催。也如銅雀臨漳起。遂使金人別漢來。繡轂千蹄官負土。縹綾半臂帝登臺。洛陽他日名園遍。風氣多應自此開。

金墉城 晉受禪後居。陳留王於此。

另築名都處讓皇洛陽城外又宮牆近非別苑遊春地
閒似禪家退老堂正朔尙留殷沫土附庸畧彷彿漢山陽
可憐猶是唐虞局從此商孫少裸將

魏晉革易故主皆以善終
劉宋後無此事矣故云

梓澤園

石崇別業
卽金谷園

一代豪華擅此園朝朝暮暮最銷魂美人絕色原妖物
亂世多財是禍根浮白觴前猶舞影落紅枝上忽啼痕
樓頭一擲終佳話能博蛾眉死報恩

西陽門

石勒擒
劉曜處

東西二帝此相攻事往猶傳戰血紅兩陣間分誰盜賊
六經外另有英雄冰痕早泮靈昌渡鈴語先占替戾風

甌北詩鈔

七言律一

五

千載共知胸磊落故應狐媚笑曹公

七言傑句古來以少陵五更三峽一聯爲絕唱然猶第寫景也此獨從議論中迸
出光燄萬丈是何等神力歟

修史漫興

史局虛慚費月餐古今歷歷作閒觀千秋於我宜何置
寸管論人固不難高燄輝繁紅燭炬古香浮硯翠螺丸
只輸小宋風流處少个濃粧伴夜闌

秋闈分校卽事

澹墨纔分榜蘂香遠持玉尺許評量敢誇眼似新磨鏡
尙有魂驚古戰場珊瑚慮疎羅一目經籛欲叩腹三倉
所期瑞集高梧鳳藉手文章報廟堂

黑白漫漫局未明。別裁忍負夙心盟。九還可煉誰功到。一筆能勾奈哭聲。腕力袖穿風雨肘。眼花燈眩鼓三更。可憐利市欄衫客。豈識持衡爾許情。

連日西風落葉繁。人間渾未識秋痕。勞薪已作溝中斷。戰骨猶留夢裏魂。曉擲靈著勤問兆。夜看雄劍擬酬恩。生平此味曾嘗遍。束筍堆邊手再翻。

仁人之言救

分校雜咏

宣名

觚稜淑景日初寅

御紙簽名下紫宸。同輩半爲揚觶客。宣旨無名者皆散去至親翻有

甌北詩鈔

七言律一

六

向隅人。校官親族例迴避

一時朝服班行肅。隔夜巾箱檢點頻。却

笑門前迴避字。主人出後貼偏新。

封門

關鎖中分棘院森。外簾信息總沉沉。官封恰似丸泥固。人望居然入海深。粧閣但聞簷馬響。圍城不遞紙鳶音。由來選佛場高甚。隔斷紅塵路莫尋。

號簿

不論工拙總須開一例。登收待別裁先後就。編魚入貫。妍媸未判鬼投胎。絕無名姓偏書冊。從此雲泥各判堆。恩少怨多何必問。就中幾箇出羣來。

薦條

三寸冰銜鏤刻工卷端鈴與薦書同品題未便無雙士
遇合先成得半功佛海漸登超渡筏神山猶怕引回風
吹噓送上吾何德已有人懷感激衷

藍筆

中書不判五花工凝碧池頭染翠融欣賞情同青眼客
別裁權亞黑頭公主司用
墨筆澹浪豈向眉添黛濃抹何須帛
勒紅却笑出藍凡幾輩異時若箇最葱葱

落卷

幾陣雲烟過眼輕案頭堆疊太縱橫落花退筆全無艷

甌北詩鈔

七言律

七

食葉春蠶尚有聲沉命法嚴難自訴返魂香到或更生
閻投未必皆珠琲無限人間歎不平

副卷

去取真看雞肋如棄之可惜味無餘我憐桂木旁驂馬
人比登盤半面魚文彩原輸全豹變姓名休笑續貂書
側生荔子香雖減猶勝西風落葉疎

撥房

中額難均數迥懸按房哀益主司權未妨螺贏艱生子
笑比琵琶別過船梁上燕飛移故壘擔頭魚去剩空筌
臨分不用增惆悵三宿浮屠也結緣

撥房後舉子於原薦官仍
修門生禮較所撥之房師

更親也

填榜

堂吏聲高唱。拆封關防加密鎖。闌重掀。髯劇喜名流出。
防口深愁熟客逢星斗光連。千炬火魚龍氣動五更鐘。
榮觀最是填魁候。六幕文昌景倍濃。

填榜畢乃補填五魁則萬燭齊輝亦奇觀也

房卷

校官各自有房元。試牘從排似弟昆。十數名分新雁塔。
一家人聚小龍門。文如和韻詩連刻。交比同年誼倍敦。
師說誰堪傳枕膝。十年詩法要相論。

友人以家難繫獄論罪悼之

甌北詩鈔

七言律一

六

一別休文七載更傳來。消息劇堪驚兩邊。夾食黥奴面。
半夜呼囚獄吏聲。事異頡羹銜嫂怨情同。冒刃代兄行。
側聞對簿銀鐙口。祖德頻號血淚橫。

年少清才脫穎如。翩翩健筆欲凌虛。何堪斷送園扉土。
誰為經營廣柳車。三木囊頭猶覓句。千金贖背豈成書。
鄉邦英彥今摧折。痛絕幽蘭一本鈿。

姓名并不齒齊民。枉費騎驢踏軟塵。襖後儒冠人貯溺。
春來城旦鬼催薪。茹刑不借蚰蛇膽。推命空餘磨蝎身。
觀過知仁公論在。共憐熱血鬱輪囷。

遂使斯人罪廢終。兼憐生計覆巢空。衣糧搜括書驢券。

兒女流離拾馬通。逐食真陪卑院乞。代行難雇病坊充。
刑餘著述終期汝。業在名山尙未窮。

散館恭紀

傳聞

天語殿東頭。益愧才非第一流。已忝班行詞館綴。曾邀

名字

御屏留

去歲京察蒙恩記名

文章似惜楊。無敵骨相兼。憐廣

不侯

引見後上語大學士傳公謂臣文自佳而殊少福相

寒士從來感知已。况蒙

帝鑒更何求

送蔣心餘編修南歸

敏捷詩如馬脫銜。才高翻致謗難緘。有問之於掌院者故云春歸織錦

甌北詩鈔

七言律一

九

新花樣老疊登場。舊舞衫過眼恩讎收。短劍隨身衣食
有長鏡歸途笑聽。檣烏響安穩春流一布帆。

經年不晤自情親。冷煖場中兩故人。世謂灌夫能罵座。
我援灑吏勸書紳。離筵一別真如雨浪跡。重逢定幾春
更憶同時二張子。吟苑廉船皆因君交於余近來也復少音塵。

查初白集中有門神詩戲效其體

五彩桃符耀孟陬。司閭常賴職勤修。冠裳豈比關門吏。
封爵還疑戶牖侯。棨戟餘威增肅穆。纓纓古制儼貽留。
監奴第令休矜寵。別有尊嚴在上頭。

執鉞垂紳將相權。曾傳褒鄂壯凌州。描來花樣輝三徑。

報滿瓜期。例一年人欲登龍先仰望。門雖羅雀肯他遷。
誰家健婦誇持戶。勞績殊難企及肩。
滿陵醉尉氣如雷。汝獨無言冷似灰。日傍獸環身不動。
夜同魚鑰目常開。衣裳破孰丹青補。顏面衰因雨雪摧。
土偶若逢應一笑。依人門戶總堪哀。

夢亡內作

生前心事有餘悲。入夢依然淚暗垂。從我正當貧賤日。
與君多半別離時。紙錢豈解營環珮。絮酒難償啖粥糜。
一穗寒燈重悵憶。簾前新月似愁眉。

喜吟薊至京

甌北詩鈔

七言律

二

離懷五載渺相思。空谷茫然到履綦。坐定君先詢近作。
別來吾未有新知。遊踪預恐桑三宿。君將往山右昔面微添髣
幾絲。僮僕也知交誼厚。厨頭催取具盤匱。

九日陶然亭同人小集

孤亭看菊半詞曹。車馬無煩出郭勞。南浦綠餘人柳老。
西山青出女墻高。騷壇盟敢操牛耳。拇陣轟如戰虎牢。
地僻向來無古蹟。茲遊或可續題糕。

三四一聯若作亭中楹
帖一字不可易。德麟

哭門人董東亭庶常之訃

一紙書催淚萬行。斯人才思擅齊梁。并無福可消貧宦。
剩有身歸葬故鄉。春夢一場怪富貴。秋風何處哭文章。

生平好嘔心成句

君素病咯血

絲盡枯蠶得不僵

孤露身真落葉如。曾憐少賤帶經鋤。生無薄產常依婦。才可名山未著書。家在一方鴻爪裏。名沉千古貉邱餘。從知墮地須論命。何物憑君覽揆初。

同年方牧園謁逸天都話舊

少日盟壇共酒樽。相思雲樹渺江村。離懷豈意聯牀晤。交誼原從戴笠敦。著述關心揚子宅。寒暄回首醉翁門。

謂座主汪文端師

長安冠蓋知多少。情好終輪舊弟兄。

同年平姚海明府卓薦入都賦贈

滕王閣畔赴官程。七載賢勞起政聲。南浦雲爲才子麗。

甌北詩鈔

七言律一

三

西江水似長官清。石壕夜靜追符少。燕寢香凝好句成。莫道循良無薦達。御屏高處已書名。

三四天然好句故應傳誦一特德麟

猶憶征車去國年。玉堂回首路迢然。庸知失馬非爲福。別有飛鳧去作仙。清帶頭冰官鮮卻潤。分掌露縣花妍。政成果應名都擢。鈴閣何須羨木天。

時已擢郡丞

從吳民部寓齋借觀商寶意太守詩集爲題長句

寫本纔看脫小胥。攜來光早映臆虛。便當燈下新翻曲。尙是人間未見書。才豈患多花釀蜜。孰真生巧水成渠。笑余欲乞鄰家火。却似光偷鑿壁餘。

孰生巧的是實意詩枚

戲咏火判官

京師人於上元節以泥塑鬼列虛其腹燃火於中爲戲

滿街燈燭正喧。歷變相俄驚。地獄開畧。似人形。泥塑在。
是何兒戲。火攻來。漫疑古佛多毫相。翻恐冥官也。劫灰
不是禁烟寒食候。莫教錯認介之推。

燄摩天。豈汝班行判簿。聊矜點鬼忙人。以頭焦驚上客
世無竈。養作中郎。幾時洗得心如水。何術修成頂放光。
莫怪劉元搏活脫。熏烟滿面不施粧。

三四蓮古入化世間有
此爐鍾否保泰

祿籍端資校勘功。故當炙手勢豪雄。共驚氣燄能炎上。
誰識神靈也熱中。隸以夜叉應面黑。配宜旱魃稱顏紅。
只愁黃胖游春罷。碎作飛塵陌上空。

韓平原事見白
獺髓及談藪

噓吸真疑有式憑。不同土偶坐。惜騰潑寒胡。到趨應附。

甌北詩鈔

七言律一

三

姑射仙來見或憎。似吐老僧三昧火。漫驕冷宦一條冰。
平生性不因人熱。任爾乘權氣鬱蒸。

漫興

紙牕涼逼露華清。顧影蕭然感易生。漸老髯毛攪黑白。
積勞筋骨驗陰晴。將車送鬼窮難去。食字求仙候未成。
手剔寒燈清不寐。階前落葉報秋聲。

富貴何曾有盡期。胡爲行者競如馳。日雖夸父身能逐。
山豈愚公力可移。絕頂樓臺人倦後。滿堂袍笏戲闌時。
與君醒眼從旁看。漏盡鐘鳴最可思。

君自言是年已動歸心
蓋非虛語也故

有以疎慢見責者書以誌愧

鮑老郎當久取嫌枉勞寄語問郎潛壺觴地逾多珠履
絲竹堂深隔畫簾姹女數錢工索笑乞兒向火競趨炎
望塵未慣車前拜枵散孤踪敢不恬
有人來自要津邊苦勸逢時趣改絃敢以敬容殘客待
深蒙范叔故人憐芒鞋不稱米門步羸騎羞隨繡憶鞭
斑竹簾前窗草綠已看木榻坐將穿

尹望山相公還朝詩以奉賀

四首之二

四十餘年擁節麾黃扉從此藉論思

帝因鬢雪降者舊人以膚雲待設施鎮靜中流無險浪
晴明西日似初曦昔賢到老彌加力驗取黃花晚節詩

甌北詩鈔

七言律一

三

五雲高處福星明古是台階贊太平朝有白頭增氣
象身將青史論勳名皂囊封有嘉謀告畫舫齋還好句
成待取調元仁壽溥受恩豈獨老門生

友人以鄴城懷古詩見示但侈陳魏瓦齊磚而於

歷代割據建都之跡殊多掛漏爲補成八首

霸圖開國古漳濱銅雀臺高迥入雲自古英雄多好色
最難子弟總能文史將正統移歸蜀身托虛名服事殷
疑塚不教人識別憑何歌舞望夫君

別築華林廣鄴臺破車快犢亦雄哉

鄴中有華林園自石虎建都始

亂朝土

木輕民命劫運河山入賊才燃燭萬枝宵作苦行樓

級獵場開長安鐘虞纔移洛又費輪蹄自洛來

紛紛石冉掃如烟萬堞名都改屬燕慕容儁滅冉閔後遷都於此建號詭

憑傳國璽喪師終恨錮山泉紫宮路遠雙飛去白首人

歸再造年故國不忘恢復計燒亭斬吏又騷然慕容垂復燕亦於此

起兵改符不

爾朱百萬下金戈一戰功成乞活多高歡據鄴以六鎮流人破爾朱天光等兵二十餘萬

後遷魏孝靜帝都此定霸遂開齊社稷遷都猶續魏山河英風馬上

鮮卑語老淚尊前救勒歌死葬漳濱尚臣節麒麟高塚

鬱嵯峩

飛來青雀可憐蟲徒擁虛名在九重孝靜帝都此權已歸高氏自古有亡

甌北詩鈔

七言律

十四

何用活此人又似不相容三拳狗脚親遭侮一乘牛車

出就封最是六宮同泣別願王玉體壽喬松

早年沉晦避朝權九錫俄膺勸進箋唾手版圖移拓跋

裸身戎馬定柔然荒淫開國邊身後言語通靈每事前

乃父如龍兄似虎誰知殺辦竟登天齊高洋僭位亦都此以下皆北齊事

骨肉相循自剪屠濟南死又樂陵誅報讐伯有能為厲

好色觀音亦現姝見徐之才傳武衛扣刀娥永樂童謠唱路阿

麼姑涼風堂上如償博千載傷心乞作奴

無愁天子在深宮高末歌先舉國同紫闥謀臣盲宰相

黃羅保母女英雄社稷謂隋令豈有英氣關雞賜爵雕籠上聚歎觀人

浴斛中最是小憐西去後青裙換却翟禕紅

氣力沉雄聲情激越雲松咏古詩實是千古絕作故

曉出西便門

出郊殘柝尚城闌此路頻經十六春事往難尋鴻爪跡
身閒常怯馬蹄塵月斜西嶺如歸客柳識東風似故人
勾引鄉心入殘夢惜騰欲到五湖濱

慰菽園下第

眊矚春官又一回誰從爨底識琴材生花不律行將禿
棄甲于思忍復來君多官燭空修書滿架方篋修子錢欲避
債無臺多希祇應一卷名山業消爾生平磊落才方畧館

甌北詩鈔

七言律一

圭

哭亡兒耆瑞

衰宗累世只單傳寧易生兒似汝賢不死定知薪克荷
雖貧每慰室如懸新松作勢空千尺種樹成陰動十年
此痛自關門戶計豈徒舐犢愛難捐

早知不是我家兒何事曇花現暫時就塾不辭晨課早
候門常耐夜歸遲幾曾膝上離文度枉向人前譽衰師
那得臨風無老淚聰明已愛講唐詩

骨相曾無慮折磨豈知早歲卽沉疴漫期董奉甦威彥
空對倉舒想華陀大藥有筒傳世少庸醫無刃殺人多
可憐眉目清如畫生把夢苓毒死他

明識彭殤可概論。那堪觸目儼生存。幾年捧雉相從跡。
數紙塗鴉未沒痕。弱女影孤誰作伴。老親書到尙呼孫。
此生縱會觀空法。瞥起前程也斷魂。

淚滿西河痛索居。擬乘薄笨返鄉閭。葬留羸博空題墓。
歸到柴桑孰昇輿。思子臺邊人渺渺。望鄉亭上夢蘧蘧。
更憐生死長安裏。可認江南舊草廬。

竹君述庵鼓園來殷耳山璞函小集寓齋卽事

老屋三間聚履綦。到來便擬夜歸遲。地非北郭聯吟處。
人似西園雅集時。名飲豈須絲竹肉。清談無過畫書詩。
只慚蔬韭誇高宴。未免人嗤措大爲。

甌北詩鈔

七言律一

三

蕭寺看花僅幾旬。俄驚裘褐戒霜晨。年光真覺如彈指。
著述猶難到等身。五鼎食中無我輩。千秋亭外幾癡人。
祇應轟醉過殘臘。此便消寒第一巡。

男
廷英校字

奉

命出守鎮安歲杪出都便道歸省途次紀

恩感遇之作

官程忽赴粵江濱除授榮叨

御墨新臣子敢因貧乞郡

聖明自重職親民頭銜冰去寒猶在膚寸雲攜澤要均

借馬杜陵今五馬微軀何以答

皇仁

甌北詩鈔

七言律二

一出盧溝跡漸遙當年從此上雲霄重來恰是回頭路
欲去還同拗項橋敢以身微忘戀闕或憑政最更登
朝露寒鳩鵲曾遊地回首巢痕故未消

詞 藹然慈愛情見乎

長安最樂是交知文酒流連月有期餽薄百錢堪作主
談淡一字或爲師離筵忍打花奴鼓空谷將賡木客詩
別罷都門車幾兩他時落月有相思

平生無一事堪豪每到垂成易所遭半世爲文憐未就
一行作吏更何操舊翻殘帙留兒讀不朽名山讓客高
多少蒼生待康濟始憐試手乏牛刀

少日研磨翰墨場得登詞館敢他望伐毛去垢曾三洗

束髮從戎未一當

大考翰林
從未得與

見獵敢云心尙喜善刀聊幸

拙堪藏簪毫莫更誇能事未必蓬山定見長

株守頻年想壯遊從今景物豁吟眸天教詩境開生面
人少題篇在上頭風雪滿天塵兩鬢江山萬里入孤舟
平生曾詡登高賦可有驚人好句留

獨傷驥子委京塵小具黃腸載兩輪未必有魂聊有魄
却憐歸骨不歸人靈光可讀增神瘁羸博仍遷爲愛真
痛絕骷髏餘一副舊曾夜貼老夫身

路過淮南近故林輕舟取次渡江潯順風恰稱還鄉願
落日猶懸望闕心劇郡劍牛覘吏績傳家琴鶴本官

甌北詩鈔

七言律二

二

箴詞臣此擢非常格忍逐時趨宦海沉

歌風臺懷古

匹夫成帝十年功萬乘還鄉宴此中雲起真符天子氣
風來故是大王雄兒童歌舞三侯徧父老追攀一縣空
頗怪生平稱大度如何宿怨獨銜豐

置酒空興猛士嗟韓彭被殺已如麻負心事竟烹功狗
出手威原斬路蛇百敗河山終造國千秋魂魄尙思家
榮歸翻下英雄淚此處勝他畫繡誇

西湖咏古

不負風光勝地多六橋來正景暄和人問作畫難爲橐

是處銷金別有窩。綺閣簾櫳紅杏雨。綵船簫鼓綠蘋波。
山霽笑我家相近。何事今纔載酒過。

割據淡心笑井蛙。金書玉冊累朝加。千秋英氣潮頭弩。
三月風情陌上花。民不罹兵都愛主。國無稱帝易傳家。
霸庭不肯填湖築。此意今猶父老嗟。

鳳凰山下故宮基。重話南遷駐蹕時。宋嫂羹魚空舊感。
崔君泥馬已新祠。夢華碎錄孤嫠緯。沉陸神州一錯棋。
不是行都集冠蓋。此湖也只習家池。

桂子荷花色色幽。偏安定後足清遊。直教宮亦移長樂。
從此湖應號莫愁。三竺峯巒非艮嶽。兩隄燈火似樊樓。

甌北詩鈔

七言律二

三

空餘芳草孤山路。老將騎驢感白頭。

南園想見昔雕甍。黃胖遊春道路驚。去國狼胡非帝意。

敖陶孫弔趙汝愚詩
狼胡無地居姬旦

隔籬犬吠是人聲。生前珠翠千行繞。死

後頭顱萬里行。獨惜平分半湖地。累人作記損高名。

選勝樓臺傍稚川。相公富貴又神仙。裏城礮已三年打。

葛嶺燈猶五夜燃。蟋蟀戲收殘局罷。蝦蟆更促六宮遷。

可憐幾代冬青樹。只換漳州一木棉。

賈似道拉死
木棉巷下

西湖雜事詩多矣。有此雄麗沉鬱否哉。

鄱陽湖懷古

濤聲如沸舞迴颺。想見當年水戰鬪。天下英雄窺此舉。

興王事業定崇朝。楚歌四面烏江敗。吳火中流赤壁燒。
俯仰湖光已陳迹。康郎山下。一停橈。

袁州城外石橋最雄麗。相傳爲巖世蕃所作。

長虹百丈倚巖城。傑構當年尙寶卿。豪富豈難功及物。
權奸亦愛死留名。磨光石版輪蹄迹。流惡江濤日夜聲。
却笑世間康濟事也。須勢利始能成。

飛梁橫鎖急流奔。遺惠猶傳濟洎溱。黃閣階前跨竈子。
青詞燈下捉刀人。選材幾費深巖石。得地依然要路津。
終欠出都騎款段。一鞭來此踏霜晨。

浮湘

甌北詩鈔

七言律二

四

碧天無際水茫茫。泛槳遙臨楚塞長。不比逐臣須禱嶽。
從來詞客例浮湘。路經九曲帆頻轉。地爲三閩草亦香。
懷古高吟到分夜。一聲清瑟數峯蒼。

衡山

扁舟湘水獨沿廻。嶽色青蒼落酒杯。帆轉幾回途尙曲。
鷗飛不到我還來。懶殘芋冷餘灰燼。响嶼碑荒沒草萊。
賸欲登臨支柳栗。嚴程無那榜人催。

耒陽杜工部墓

手擷溪毛薦拾遺。空山客過有餘悲。生無一飽人誰恤。
死有千秋鬼豈知。瘦削儀容傳飯顆。飄零魂魄傍湘纍。

公名不藉豐碑表何必真肝認假師

三四一聯天問招魂無此沉痛保泰

歸德峽讀王文成平田州摩崖頌

銘功彷彿紀平淮。手撫蠻酋鳥入懷。江戢怒濤供洗甲。天留絕壁待摩崖。崖邊籌終倚通儒。定物論空勞異學排。只有名心應未盡。擘窠大字瘦如柴。

行邊卽事

郵郵父老杖爭扶。出謁星軺拜滿途。我到豈能春有腳。渠來自爲昔無襦。欲甦剜肉誰先務。果療燃眉敢後圖。疾苦要教當面說。停騶頻與話交衢。

安南處處共山場。判界曾無一堵牆。敢恃狂夫驚折柳。

甌北詩鈔

七言律二

五

也愁鄰女要爭桑。綴旒國已先分土。畫斧河仍不設防。柔遠銷萌非細事。頭鬚從此白巖疆。

田州

傳家來自武襄營。

上司岑氏本狄武襄裨將從征儂智高分插於此

分土南陲一片平。

千載尙能長保世。前朝曾此屢勤兵。時清久襲冠裳氣。風靜全消鼓角聲。懷古經過惟坐嘯。籌邊樓上月三更。

蓮花九嶺

九層石棧入青雲。名字遙從嶽藕分。赤立太窮山露骨。倒懸不死樹盤筋。天遲開鑿留淳氣。路入陰森鎖瘴氛。

只擬此中非世界。誰知雞犬亦相聞。

峭刻是雲松獨開之境

崑崙關咏古

醜酒軍門正滿壺嚴關夜半已潛驅千秋部曲皆番落
今各土司皆公從征將校之後也 一片山川尙陣圖何必梁公爲遠祖不妨

季布是黠奴經過想見英雄氣古木靈風叫鷓鴣

前守韋

賦保

緣事罷官羈留鎮郡者兩年茲得請

還都詩以送別

得歸已自勝懸車官罷猶羈兩載餘許肯迴波甦轍耐

幾因失火及池魚

余以詳請君回籍幾被劾

離亭欲散孤帆杳貧宦裝

輕落葉如最是臨分前令尹肯將利弊爲余書

酒闌重話舊彈蕉信有威權大吏操喜怒所爭纔一芋

甌北詩鈔

七言律二

六

愛憎相反豈多桃民猶爭誦廉公袴我敢相矜范叔袍
會有 詔書搜廢籍新硯且莫善藏刀

奉

命赴滇從軍征緬甸

軍諮榮拜 詔書新萬里猶蒙記小臣政績未能河渡
虎功名敢想閤圖麟正愁年少髀生肉尙有家傳膽滿
身邊事頻年紆

廟略微軀忍復嘆勞薪

一紙爰書忤上游風聲早晚勒歸休難甘公府宣明面

已戴軍門秀實頭劾疏幸因軍事免朝衫終仗

國恩留男兒官不遭彈去便合沙場灑血流時方待効以奉旨從軍得免

腐儒身未習橫戈薄技惟餘盾鼻磨為政已應書下下

將兵敢說善多多番頭魚貫長纓繫蠻髻鴉盤細馬馱

傳語健兒休笑我凱旋時節要饒歌

特磨道中

不。信。人。間。有。此。途。特。磨。絕。徼。赴。軍。符。萬。山。圍。住。天。如。井。
六。月。蒸。來。客。在。爐。到。處。黃。茅。啼。格。磔。偶。逢。綠。樹。結。踟。躕。
黠。奴。頗。解。哦。詩。句。馬。上。微。吟。我。僕。痛。

滇城

千。峯。行。盡。見。平。疇。一。片。炊。烟。萬。瓦。浮。南。紀。河。山。推。重。鎮。

甌北詩鈔

七言律二

七

前。朝。湯。沐。守。通。侯。彩。雲。晴。捲。黃。茅。瘴。宿。霧。寒。消。碧。玉。流。
獨。客。經。過。相。識。少。驂。驪。連。夕。過。星。郵。

至合江舖已就宿矣忽京兵來乃移避於山後

數。間。寓。舍。讓。京。營。移。就。山。家。破。草。棚。人。共。馬。牛。眠。一。屋。
月。隨。風。雨。湧。三。更。也。知。入。市。應。安。堵。自。笑。從。軍。轉。避。兵。
信。是。健。兒。驍。可。畏。先。令。膽。落。到。書。生。

題大覺寺

漾。淖。南。來。箒。益。深。萬。松。黑。到。最。高。岑。馬。行。危。磴。蹄。包。鐵。
佛。守。荒。菴。面。落。金。怪。石。儂。如。奇。鬼。搏。古。楓。幻。作。老。人。吟。
問。途。空。說。天。威。逕。何。處。遺。踪。訪。七。擒。
自大理龍尾關至永平三百餘里傳是武侯過師地

郡誌謂之
天威逕

永昌弔徐武功楊升菴

迢遙金齒瘴江濱。辛苦前朝兩逐臣。妓粉尚傳名士氣。
將星空負故侯身。奪門事險功真倖。伏闕聲高議未醇。
欲採芳蓀酌杯酒。百年遺跡已沉淪。

寄家書

夜涼戎帳露華微。正憶江南木葉飛。一紙寄家言有盡。
萬山圍路夢難歸。燈前酒氣催磨劍。月下砧聲感搗衣。
還恐倚閭人悵望。擺邊不敢說兵威。

潞江

甌北詩鈔

七言律二

八

一鞭曉渡潞江涯。瘴霧濛濛似落沙。不老青餘秋後葉。
無名紅煞日南花。經年馬背安居地。每夕氊廬托宿家。
自笑書生作僮楚。異時歸去有雄誇。

黃陵岡

行盡滇西更向西。路經初闢未成蹊。掛枝下飲猿連臂。
藉草潛眠麝養臍。樹古不知秋氣老。山高易覺夕陽低。
殊方從古誰曾到。且拂蒼崖作首題。

地在南甸土司外二百餘里。過此則非楚人所居。昔

巧入
塞矣

軍營夜坐

邊屯野宿萬貔貅。令肅無譴月似鉤。犀甲霜寒千帳曉。

魚腸夜嘯百蠻秋。關門風靜無南競。戎索星低欲北流。
草罷檄書清不寐。一燈危坐數更籌。

白雲菴遇故總兵華珠將赴軍効用

決陣曾傳賈勇登。罷官未去爲軍興。戰場尙夢無頭鬼。
古寺聊充有髮僧。部曲偏裨多已貴。郵亭醉尉漫相凌。
征蠻正選邊才急。會看鷹揚老將騰。

求工必落纖巧。雲松詩愈工愈覺沈厚。所以獨步一代者。

鐵壁關

萬仞危巖似劈開。天留鎖鑰控崔巍。鐵門有限人難越。
銅柱無名我亦來。料敵好增籌筆驛。出關先當望鄉臺。

隴北詩鈔

七言律二

九

祇應預辦摩崖字。留待征南奏凱回。

猛卯

猛卯江頭渡淺沙。出邊天更渺無涯。譯通獠戶仍輸賦。
兵過畚田已種麻。秋入黃茅人避瘴。月寒白骨鬼思家。
踏鴛墮水尋常事。浪泊區區豈足誇。

虎踞關

虎踞關高駐旅雄。威聲早震百蠻中。陰雲匝地千山黑。
夜火烘天萬竈紅。寶井地遙非斧畫。金沙水闊有航通。
佇看鬼哭峯頭石。石爛江枯再勒功。

寶井在猛密土司地。時聞緬賊以兵戍守。鬼哭山在

金沙江外。王驥刻石處。所謂石爛江枯。爾乃得渡者也。路皆從虎踞關出。

駐軍蓋達

騰衝關外土司城好片川原似掌平戰後江山無伏莽
熟來禾黍有炊秬千燈夜閃星河影萬馬秋騰鼓角聲
豈爲防邊勞勁旅要令狐鼠懾威名

平戛

范施東去得平原豁達天開箭箐門一水灌田千百畝
半山結屋兩三邨年豐市有扶頭醉冬暖人多曝背暄
此是道書真福地熙恬光景似桃源

黑山門

都護征南此出關何期復矢唱刀環威行鬼哭無聲處

關北詩鈔

七言律二

十

路過鴉飛不到山

皆通節
山名

毅魄定歸雙闕下雄名猶震百

蠻間冥濛瘴霧千峯黑想見靈旗日往還

勦南坎

詔趣偏師出麓川將軍傳箭肅中權一軍皆甲晨聽令
萬馬無聲夜踏邊白刃寒生霜滿野雕弧彎應月初弦
歸來獻捷營門外劍戟枝枝帶血鮮

自戛鳩勦賊回萬仞關馬上作

小試軍鋒掃戛鳩凱聲歡動入關秋自迷焚道雲仍合
紅在蠻天火未收熱落河烹生鹿血赫連刀挂死番頭
飛章連夜須馳奏馬上催書筆不道

述菴璞函緣事罷官從軍來滇已至永昌璞函先
有詩見寄次韻奉答

浮蹤共踏日南春喜到聯牀聽兩人廢籍搜才身再起
他鄉逢舊誼逾親泥須函谷關前用灰是昆明劫後身
儒者立功非異事國恩深豈慮膏屯

掃穴犁庭仗武臣也須憤切夜眠薪圖麟勲業終當奏
畫虎英雄恐未真兩陣難拘古兵法六經只管幾文人
孱羸翻怪書生劍時發光芒拂斗辰

春和相公經畧來滇余以故吏仍直幕府敬呈四

律

甌北詩鈔

七言律二

十一

宰臣親出擁旌麾金齒關前運握奇郭令身原兼將相
潞公名久動華夷蠶叢開道曾當日麟閣圖形又一時

早帶洗兵天上雨日南地總發華滋

通首高華

分憂自請靖邊陲萬里郵籤併日馳拜策仍辭推轂禮
臨軒特賜出車詩便宜事不從中制忠益謀能集衆思
相度既來功自速好磨樂石待韓碑

屈指兵興一路中郵亭不斷戛刀弓頻年

聖主籌良將多少蒼生望相公關勢尙傳銅鐵固

銅壁鐵壁二關

名軍威兼列鶴鴛雄腐儒篋有雞毛筆要咏平蠻第一

功

錢充齊觀察在經略幕下讀至多少蒼生句不覺痛哭經略命春僚皆屬和遂傳遍滇南情文真摯自沁人肌骨也德麟

天南豈意得從行。六載曾隨禁地清。故吏公猶殷待士。
書生我本不知兵。汪童敢忘橫戈志。陵母能堅伏劍情。
憑仗運籌平蕩早。幕僚也得倖功名。

奉

命回粵途次口占

詔許征人馬首東。呼船曉渡潞江風。到來濫廁參軍職。
歸去慚無殺賊功。鞭影仍尋裙草綠。劍光漫傍燭花紅。
聖恩自是憐文吏。敢謂籌邊策尙雄。

歸程遙指粵西天。竹馬重煩夾道邊。昔到曾憐懸磬室。
再來忍斂拔釘錢。單車按部惟攜鶴。一壠催耕有叱犍。

甌北詩鈔

七言律二

七

韜略生平原未讀。勉爲循吏報

恩偏

留別經略

稍踏邊塵識險夷。忍辭苦口語臨岐。一江沉鎖公無渡。
千里持糧士有飢。上將在謀爭要着。南人不反豎降旗。
惟應預擬平蠻頌。待取秋風露布馳。

精切渾成筆如鐵鑄。虞伯生謂老吏斷獄手也。

土富州驛舍

六十滇程已徧經。荒涼最是此郵亭。空廚烟冷炊求火。
破屋椽稀卧見星。燐白鬼來浮草碧。風疑虎過隔籬腥。

却聞騶卒歡相語。明日家山到眼青。

出州境卽鎮安治

回首軍麾正出邊。獨慚拄笏謝戈鋌。官辭踏白先登隊。
功讓雕青惡少年。去日擬爲兵死鬼。歸來敢說地行仙。
挑燈手錄征途稿。聊記吾曾入瘴烟。

回鎮安官舍

兩載身隨勁旅屯。得歸解舍總

君恩愧無績。可留銅柱敢幸生。猶入玉門口。不談兵聊
守默心。仍見獵想追奔篋。中一卷。滇行草。彷彿鴻泥指
爪痕。

桂平道中

秋風吹上髯毛斑。又數郵籤過急灘。遠嶺路高人似豆。

甌北詩鈔

七言律二

三

空江。水落岸如山。孤吟詩應寒蟬噪。倦旅心隨暮鳥還。
向晚扁舟泊何處。一燈漁火認前灣。

鎮安土俗

見日常須到巳脾。瘴深侵曉總陰霾。城中屋少惟官廨。
牆上山多逼郡齋。俗有鬼神蠶放蠱。夜無盜賊虎巡街。
所欣民意安吾拙。相愛渾如鳥入懷。

夜坐

判罷文書覓句工。結趺枯坐曲欄東。池荷十裂秋將老。
堂鼓三嚴夜正中。警鶴避寒依樹密。明蟾愛浴映波空。
小胥見慣官齋燭。笑我孤燈一穗紅。

聞經略出師老官屯水陸攻圍緬人乞降班師奏

凱詩以誌喜 四首之一

遙識。懽聲。湧似。濤。入。關。戰。士。解。征。袍。放。歸。逐。北。嘶。風。馬。
洗。罷。征。南。帶。血。刀。絕。徼。遠。來。勞。面。誓。廣。場。大。饗。裹。瘡。勞。
受降如此方威克招致何曾一着高。
前歲有以招降之說進者
上方斥其非決計用兵
簪毫幕府忝從戎別去方聞息戰攻劇喜世堪長偃武
敢嫌身不與成功鐵橋波靜蠻江白銅鼓春喧社火紅
所惜摩崖吾未及筆端空負氣如虹

哭果毅阿公病歿於軍

曾從絕域立功回五百驍兵萬賊摧。
回部之役公以五
百兵取賊萬衆使相旌。

甌北詩鈔

七言律二

十四

旗開幕府上公劍履畫雲臺攻心徼外勲垂就。
距受降僅
數日耳

曳足軍中志可哀太息金沙江畔路將星寒落浪花堆
曾忝軍諮畫策長血痕親見裹金瘡可憐病到三遺矢
猶自身衝百戰塲門望高還傳帶礪國恩深爲紀旂
常獨悲丹旆還都日故吏無由奠一觴

貴縣途次奉

旨調守廣州寄別鎮安士民 四首之一

到任三年五出疆在官曾未一年長。
余抵鎮安以事赴省凡四
次又從軍滇中兩閱歲

地偏恰似仇池穴俗厚難忘畏壘鄉本擬成圍看老柳
愧無遺蔭托甘棠最憐途次聞

新命不及公堂飲餞觴

鎮安雖僻自堪豪最喜蕭閒似馬曹片檄下時諸部肅
萬山深處一官高草亭置酒留賓醉花閣抄詩課吏勞
此福難消應準折從今判牘夜焚膏

花田

卽素馨斜南漢葬宮人處
多素馨花今爲遊冥地

十里芳林傍水涯當年曾是玉鈎斜美人死後爲香草
醉守來時正好花滿地種珠誇老圃千筐帶露入豪家
蠻娘頭上微風過勾盡遊人是髡鴉

登浴日亭

禮罷神祠肅炳蕭振衣千仞躡巖堯雞聲欲白三更日

甌北詩鈔

七言律二

五

漁火猶紅半夜潮化羽何當仙島戲採芝未覺祖洲遙
登臨又起滄波興歸路虛舟轉沈寥

崖山

日落蒼山海氣昏曾傳殘宋水師屯六更漫續庚申帝
一旅難支甲子門身入膠舟無返駕膽焚鐵斗有忠魂
可憐不及章安鎮猶保東南半壁存

章安鎮在明州宋高宗
航海泊舟處見東巡紀

慈元殿

宋楊太后祠
帝昺居此

中土無家寄海隅數椽椒寢莽榛蕪遺蹤漫擬陽人聚
秦遷周後塊肉曾攜趙氏孤臣妾僉名羞作表公卿負辰

於陽人聚

儼成圖最隣涕泣臨危語何減唐宮麥飯呼

承福陵

宋端宗葬處

承福

白楊衰草黯孤墳。猶號前朝舊寢園。窮海運移朱鳥囀。空山人拜杜鵑魂。曾無翁仲環陵闕。幸免僧伽掘隧門。想見倉皇營渴葬。冬青也復少移根。

虎門望海

目力將窮境更賒。望洋今日得雄誇。信知地外皆爲水。應到天邊始是涯。蛟蜃嘘還成幻市。神仙過或馭飛車。蒼茫何處蓬壺路。我欲揚帆採石華。

劉王郊基

衰草寒蕪一片秋。猶傳粵漢舊郊邱。閭餘天豈分南顧。運去星皆向北流。燿火無靈光久滅。瘞圭何處氣全收。祇聞身作降王長。陪祀班高在汴州。

甌北詩鈔

七言律二

十六

太保傅文忠公挽詞

柱石身尊鎮廟堂。驚傳紫府下迎將。問牛相業三台地。汗馬勲名兩戰場。

公以平金川入相。征緬甸歸告終。

推轂任隆增白髮。飾巾

恩厚賜黃腸。應知此痛關朝野。不獨私情我暗傷。

廿年宰相黑頭公。一德堂堂廉。

帝眷隆。劍履雲臺身入畫。河山鐵券策論功。勲親人地。關休戚。恩禮。

君臣見始終。從此日斜溫室樹。更無

宣召到廷中。

公在時每

日晚朝心
召對

身任戎行釋

主憂驂驪倍道赴星郵。濛濛零雨泥方滑。跼跼飛鳶瘴
未收。葛相征蠻勤五月。豫州伐敵擊中流。憶曾勸改金
江柁。腸斷炎風渡。憂鳩。

地望尊崇總百臺。敢期寒峻受栽培。我無私謁偏投契
公不談文乃愛才。去定仙官班上列。生原佛地位中來
敬容今日餘殘客。樗散憑何倚不材。

感恩知已俯仰低徊情
味耐八百韻德麟

擢授貴西兵備道紀

恩述懷

甌北詩鈔

七言律二

七

珠江典郡一年多。又指郵程大渡河。官職漸高唐觀察
山川新訪漢牂牁。長途但擬單車赴。遺愛慚無五袴歌
在遠尙蒙

親簡擢微軀何以答

恩波

擢官何事乞歸田。別有離懷黯自牽。天上除書

恩主眷。風前殘燭老親年。白雲飛處憐孤影。黃紙宣來

是特遷直恐

君親成兩負。一燈危坐轉悠然。

以黔路遠遠老親不能偕行乞制
府李公代奏終養公以余新擢官

之止

萬里黔陽信壯遊。江山楚蜀綰襟喉。好從巴峽通巫峽。
何川連州。易播州。椽燭治書重幕夜。星符馳檄百蠻秋。
書生此福慚非分。準折惟應惠績留。

寄

述菴璞函從軍入川。余至威寧得一握手別後却

故人得見未嫌遲。萬里相違本不期。官罷杜陵猶作客。
才高文舉直呼兒。來經鐵索滇橋路。去酌郫筒蜀酒卮。
玉帳術中需贊畫。相看猶未髻成絲。

膈膊霜雞午夜荒。燈前一握又他鄉。那堪好友頻岐路。
不分書生老戰場。國險魚鳧稀日影。陣懸蛇鳥入秋光。

甌北詩鈔

七言律二

八

期君早上平戎策。旦晚還朝卸客裝。

送王協和總戎進勦金川

喬松落落見長身。髯也英雄果絕倫。拔戟自當軍一隊。
橫矛能退敵千人。勲名到日成功速。文武同年別誼真。
君鄉榜與余同庚午君至邛關相憶處。提音好屢寄郵塵。

晤同年孫補山學使話舊

故人重見髻添皤。追話兵塵感慨多。絕徼秋聲諸葛鼓。
戰場夕照魯陽戈。衝車力盡猶攻壘。擊楫心雄竟渡河。

同是征南戎幕客。那禁思舊淚滂沱。
余與補山同在經略幕下補山則隨渡袁鳴者也

堂前初見捧盤匪。得就西階樂可知。
君方娶兒婦却憶少年登

第日也成新婦作婆時光陰過客雙丸速婚嫁牽人五
嶽遲剪韭寒窗語疇昔一尊同感鬢如絲

聞故將軍阿公授四川提督却寄

故侯威望肅霜寒

恩命重聞錫帶聲至竟登壇須大將莫嫌專閫尙粗官

馬蹄裏鐵盤危磴牛革縫船渡急湍計日掃犁馳露布

更看勲爵冠朝端

征南幕府半凋零

經略傳公將軍果
蔡阿公皆下世

碩果天留一將星百戰

勲名身未老五丁開鑿路重經

前次平金川時
公曾在戎幕

功成飲馬仇

池穴事定磨崖劍閣銘蜀徼黔疆鄰近在捷音早晚得

甌北詩鈔

七言律二

九

先聽

都勻道中

灌木成邱棘作籬兩三茅舍倚巖支汲流但截修篁節

蓋屋全編老樹皮架木橋欹驢不進伐薪人出犬相隨

分明一幅山家畫可惜荆關未得知

一幅趙千里關山小景

海龍岡

播州楊應龍自焚處四面陡絕上有平地
可屯數千人兼有井汲之不竭真天險也

四圍嶺絕陡無門上有寬平可駐軍扼險欲過唐夾寨

攻堅幾費李摩雲國餘暮氣兵猶勁地欲華風賊自焚

平播後即改流
今遵義府也

五百年來淪異域一朝推廓亦奇勲

咏史

曾鞭學士段文操。刳目多承賞。鑿高抵鵲不聞輕。用玉割雞也。要辨何刀。詞頭天上宣麻貴。盾鼻軍中草檄豪。今日江郎一枝筆。供他肉眼去吹毛。

卽景

慚愧車前尚入騶。略無可稱俸錢優。半間屋小聊名舫。六月山深早着裘。才思漸如強弩末。歸心已折大刀頭。閒來細數經年事。何一堪爲惠績留。

哈敬齋總戎自滇入蜀路過威寧話舊

回首滇雲絕塞長。建牙威望警遐荒。將門世佩三邊印。蠻徼身經百戰場。孟獲曾來申誓乞。吐番未敢劫盟強。

甌北詩鈔

七言律二

三

老官屯之役。緬人乞和。公以單騎蓋其軍。

天南歷歷成勞在。驗取秋風兩鬢蒼。

夜宿平山哨

行盡千峯路未窮。晚投埃館一燈紅。秋生風露寒諸嶺。人共星河在半空。夢可還家防易醒。詩能送老苦難工。聽他童僕垂頭睡。獨對寥天月似弓。

碧雲觀

織塵曾不到仙壇。曲磴摩雲八九盤。客到自嫌烟火氣。山高常接斗星寒。井華曉碧僮澆藥。爐燄宵紅鬼瞰丹。勝地緣慳纔一宿。征塵明日又漫漫。

幽巖中出警句大奇

壬辰冬仲以廣州讞獄舊事史議左遷特蒙

溫旨送部引見

聖恩高厚蓋猶不忍廢棄而衰親年已七十有五書來

望子甚殷論令早歸一慰倚闕望因呈乞開府

圖公給假旋里擬卽爲終養計途中無事感

恩述懷得詩十首

選六

一重公案律條詆鑄秩非關吏議苛迂拙自慚更事少
聖明猶慮棄才多恰從順水乘歸櫂擬乞間身着釣簑
不是敢辜

恩命重高堂衰鬢已全皤

多謝諸公苦挽行

圖公堅欲奏留補山約
軒翁民諸公亦多敦勸

實無才可濟蒼生勤

甌北詩鈔

七言律二

五

將政補猶形拙清愛人知己近名坎坎伐檀歸客思依
依折柳故人情翻教不忍輕言別嘗酒更番爲治觥
衙齋無事可消磨一載閒情付咏歌老去賀公吳語慣
病來莊舄越吟多滄江秋晚衣裁荔空谷天寒屋補蘿
不覺詩成真作識篇篇都是憶巖阿

官罷

君恩忍遂忘尙餘秃管寫枯腸好編頰上歸田錄敢效
忠州集古方舊學還期傳黨塾新詩閒與咏羲皇生平
報國堪憑處終覺文章技稍長

數日纔經畢節城退問何用急裝行八騶已少車前列

五馬猶煩道左迎。按部聲名歸物論。去官風味見人情。
山楓知我無旌旆也。染新紅。綴驛程。安順守戴君遵義守于君俱在畢節送別

頻歲思歸計尚懸。及歸敢便傲林泉。板輿潘岳問居賦。
茶竈天隨甫里船。爲母寫經祈上壽。隨人賽社報豐年。

譚成華黍南陔什或入 熙朝二雅篇

張三丰禮斗亭

在平越高其觀後有古桂一株大數抱

高真古觀鬱葱籠。猶說仙翁斗檢封。遺跡已無華表鶴。

借名曾訪鼎湖龍。

胡澹訪張邈邈實訪建文君也

山深時或飄丹粟。人老惟

思伴赤松我已退。閒期學道前途倘許一相逢。

施秉縣

卽偏橋舊爲偏沅巡撫所駐地

隴北詩鈔

七言律二

三

數家邑小雉樓崇。舊設中丞幕府雄。衝要尙供郵騎飯。
承平久靖戍旗風。石多山骨出皮外。洞矮水頭鑽勝中。

上游諸水至此由諸葛洞出鎮遠江

劇喜陸程今日盡。扁舟行泛碧波空。

奇絕警絕舟

辰州弔諸桐嶼

腸斷辰陽放棹行。故人曾此擁專城。我來東道誰爲主。
君在西清最有聲。傲骨竟成招謗具。高才未就必傳名。
沅江水駛流如箭。何限人間歎逝情。

朗州除夕和馬沅亭秀才韻

除夕連更六異鄉。今朝遊跡又瀟湘。一官恰似殘年盡。

舉世猶爭此日忙。老去敢辭杯。最後春來漸喜線添長。素心閒與江干步。早有寒梅破臘芳。

題岳陽樓

水落湖光似鏡平。倦遊人過岳陽城。愧無憂樂關斯世。擬學神仙了此生。壯氣漫吞雲夢澤。微才敢附杜陵名。湘靈鼓瑟何心聽。或許相逢老樹精。

晚泊

洞庭波淼落帆輕。小泊亭臯候月明。遠火晚廻龍伯駕。荒蘆寒打鴈奴更。閒依燈影吟情永。未息濤聲旅夢驚。已字山形之字水。擁衾先自算歸程。

臨北詩鈔

七言律二

三

赤壁

依然形勝扼荆襄。赤壁山前故壘長。烏鵲南飛無魏地。大江東去有周郎。千秋人物三分國。一片山河百戰場。今日經過已陳迹。月明漁父唱滄浪。

此題絕唱也

遣興

雲濕江天鴈影孤。春風爲我送歸途。四宜休政稱高士。七不堪難起懶夫積。歲刻成新楮葉過。時身比舊桃符。只慚招得窮人笑。顛倒天吳紫鳳圖。

碗口謁余忠宣公墓

表裏山河地必爭。儒冠曾此守孤城。嶺雲尙吐登碑氣。

江浪如聞戰鼓聲。世亂揭竿成巨寇。時危橫草山書生。
可憐橐橐降臣履。千載應慚守廟情。

江行

帆影依依帶落暉。江平如鏡浪痕微。舟憑野鷺爲前導。
人與春鴻共北歸。才薄敢期宣室召。心閒早息漢陰機。
居然已似漁翁長。只未身披獨速衣。

采石太白樓和韻

沉香亭下脫鞵行。此地曾傳泛月明。白浪一江銷醉骨。
青山萬古屹詩名。錦袍當日人爭看。金粟何年世再生。
百尺高樓俯空濶。爲君長寫氣呼咻。

北詩鈔

七言律二

三

金川門懷古

前史曾傳靖難兵。麾戈從此破神京。削藩禍起書生計。
負扆圖慚叔父名。一領袈裟宵出竇。九江紈綺曉翻城。
興師若不論成敗。高煦宸濠豈異情。

千屯火照雉樓紅。想見當年勢內訌。折矢不臣黃鵠子。

昌黎詩魯
連黃鵠子

打鐘竟帝白鳧翁

北齊武成
事見北史

從亡芒屨千山險。駢

戮歐刀十族空。養士甫經三十載。何因義烈滿寰中。

使事精切難得如此工整保泰

江干晚步

長隄曲曲繞平沙。徐步聊當下澤車。枯樹萬鴉棲似葉。

荒蘆羣雁宿爲家。寒連殘臘遲春色。晴卜明朝爲暮霞。
小憩偶然清興愜。江邊風浪正無涯。

男
廷偉校字

隴北詩鈔

七言律二

五

